

永嘉縣志

光緒八年修

永嘉縣志卷之二十一

古蹟志一

夫岐海紀自山經越漚箸於王會稽古之權輿也而好事者遠徵荒渺謂有容成遺蹟焉其信然歟然古冊流傳不敢沒也自漢東海王開國僻者通晦者顯晉宋以降遂甲東南故以名勝為古蹟之冠次坊表以景前哲次冢墓以闡幽光終之金石以徵文獻旁稽羣籍蒐攷遺文藉是以補舊志之闕軼也後之人流連慨慕必將有感於斯文

名勝

太古

永嘉縣志

卷二十一

古蹟 名勝

民國二十四年補刻

太玉洞天 華蓋山下有容成洞為道書第十八洞容成

太玉之天上有三生石五粒松金雞嶺青牛谷丹井石

龜池

天下名勝志 宋劉敞太玉洞聽琴詩無絃不成聲有絃多失真真聲在何所調和方寸春文操惜

已遠孔壇嗟復陳所以桑濮響鄭衛波羸秦詎知幽谷間乃聞太古瀟游魚出寒水鳴鶴橫秋旻休羨廣陵秘爾雅皆怡神 國朝朱彝尊詩亭亭五粒松華蓋神君宅風吹寸草生依然綠袍色

三生石 華蓋山下有容成洞相傳黃帝時容成子修道

於此宋仁宗嘗三遣使訪之但有三生石在耳

廣輿記 明劉

德新尋三生石詩片石何年峙海東容成化去五松同三生未悟浮生事因向峯前叩石翁

煉丹井 煉丹井尚存邑庠之後旁通一竅若門旱涸時

兒童篝燈探之入數百步莫測其底真異境也相傳一

目仙人從洞中達閩成洛陽橋

王光蘊容
成道院碑

吹笙臺 在吹臺山上相傳為王子晉吹笙處楊蟠詩子

晉吹笙已寂寥舊臺猶枕斗城腰

名勝志康熙府志
宋許景衡詩聞說吹

臺上秋來鎖薜蘿白雲常在幽徑復誰過天末
空愁眼尊前且浩歌山林與廊廟二者竟如何

漢

東甌王城 在城西五里甌浦孝惠三年舉高帝時越功

曰閩君搖功多其民便附乃立搖為東海王都東甌姚

氏云甌水名永嘉記水出永寧山行三十餘里去郡城

五里入江昔有東甌王都城有亭積石為道今猶在也

史記東越傳

司馬貞索隱

永嘉縣志

卷二十一

古蹟名勝

一 民國二十四年補刻

梅福隱居 在城西二十里梅嶼山漢梅福隱此故名

康熙

志

永寧縣城 永寧舊治在甌江北晉置郡始徙江南唐武

德中析永嘉復置永寧縣建治江北旋廢

屬麻
府志

三國吳

瞿素宅 在城東二十里瞿嶼山相傳吳列女瞿素所居

明一

統志

晉

新城 去府城六里在江北賢宰鄉郭璞初議立城於此

後遷過江今其地為田野猶稱新城云

方輿紀要屬麻
府志案即漢

永嘉縣治

白鹿城 太寧元年初立永嘉郡時方建城有白鹿銜花遂名其城為白鹿城五代梁開平初錢氏增築外城亦

曰羅城 明一統志 萬曆府志

二十八井 郡志始議建城郭璞登山相地錯立如北斗

於是城於山上且鑿二十八井以象列宿 方輿勝覽

舊郡治 晉太寧間建在華蓋松臺兩山之間謝靈運顏

延之典郡多亭閣園池之勝宋高宗臨溫以為行宮明

洪武元年以為衛治 國朝改為城守營署 名勝志 嘉靖通志 萬

麻乾隆府志

永嘉縣志

卷二十一

古蹟 名勝

三 民國二十四年補刻

李整宅 在城內習禮坊晉李整捨宅為崇安寺 萬曆府志

五馬坊 在舊郡治前王羲之守永嘉庭列五馬繡鞍金

勒出即控之今有五馬坊 方輿勝覽 古今風俗通明一統志 宋楊蟠詩 相傳有五

馬曾此立脚躡人愛使君好換鵝非俗書 又按謝靈運為永嘉太守以五馬自隨立五馬坊五馬亭竟 洪慶

善韓文辨正及字典 馬字注附識於此

墨池 在墨池坊王右軍臨池作書洗硯於此米芾書墨

池二大寄 萬曆府志 明葉式記 右軍刺溢多惠政政

南而尸祝之祠之東為墨池其制方其水洌或云即逸少滌硯所至今水面時見墨點如蝌蚪汲之無有凡鴻生碩儒游宦於茲者往往有所紀述使右軍無他善而區區臨池之工亦何足志顧其平生履歷有大焉者此溫之人所以拳拳斯池更千百載庶幾乎甘棠之風也

周旋詩何以清池喚墨池昔年臨此有羲之千張牘

灑黃堂翰一泝翻飛水墨支斜帶日光雖閃爍亂涵
雲影尚淋漓學書老我猶成拙為表遺踪一賦詩

百里芳 自百里坊至平陽嶼一百里皆荷花王羲之自

南門登舟賞荷花卽此永嘉譜云南塘舊以荷花名夾

岸又多橘園爲夏秋勝賞方輿勝覽甌江逸志唐張

值荷花百里開民喜出行
迎五馬全家知是使君來

富覽亭 在郭公山上登者不越几席而盡山水之勝額

係晉王羲之筆宋嘉祐三年知州楚建中重建明一統

志國朝同治 年巡道方鼎銳又建宋林季仲次韻

詩朝來爽氣自橫空躡屐窳須學謝公似此江山何處
有合分風月與人同消磨萬古潮聲裏搖兀千林酒浪

十年使君跋馬故依然要將舊觀還騷客幻出新亭倚

永嘉縣志

卷二十一

古蹟名勝

四 民國二十四年補刻

半天井邑參差圖障裏煙霞明滅酒尊前我今不是貧

沙漲省潮回平生夢猶不到一葉渺西來欲訊桑田成

臺倚闌干二三子總仙才爾歌遠游章句雲氣入吾杯

近吾興亦悠哉樓鑰詩城郭占佳勝青苔東望赤城

天開浩蕩雲屋湧嵯峨四面山總好東牕江最多腳跟

盤巨石吞吐任風波翁卷詩借問海潮水往來何不

晚寒難獨立吟竟小詩還對碧嵯峨雪風吹落瓊瑤樹

浣紗潭 在城西南隅相傳晉孝女夜浣紗旦成布處有

浣紗坊舊府志

飛霞洞 在積穀山南麓劉根隱此嘗乘赤霞至天台故

名萬麻府志

昇臺 在飛霞洞側劉根昇仙處巖上鐫昇臺二大字蒼

古異凡筆乾隆府志

宋

竹馬坊 在郡治東北謝康樂莅郡兒童騎竹馬迎之故

名萬麻府志

西堂 在州宅靈運嘗於西堂思詩竟日不就忽夢見惠

連即得池塘生春草大以為工云此語有神助非吾語

也方輿勝覽南史謝靈運傳宋楊蟠詩謝公何

池上樓 在舊郡治豐暇堂北萬麻府志謝靈運登池

永嘉縣志 卷二十一 古蹟名勝

五

響遠音薄霄媿雲浮樓川作淵沈進德智所拙退耕力

不任徇祿返窮海卧疴對空林衾枕昧節候褰開暫窺

臨傾耳聆波瀾舉目眺嶠嶽初景革緒風新陽改故陰

池塘生春草園柳變鳴禽祁祁傷幽歌萋萋感楚吟索

居易永久離羣難處心持居豈獨古無悶徵在今

謝公池 在積穀山麓又名春草池謝靈運嘗憩此池水

澄湛俗稱靈池太平寰宇記萬麻府志唐張又新謝

攀今來惟有靈池月猶娟一水間宋楊蟠春草

池詩寂寂綠巖畔相期無數人不知康樂後池草幾回

春風園柳色朝夕使人愁謝公去已久空餘池上樓

春後荒煙沒舊廳惟餘林兆斗春草池詩紫馬行

池上草猶帶六朝青

白岸亭 在柘溪西南去州八十七里因岸沙白為名亦

謝靈運游賞處寰宇記謝靈運過白岸亭詩拂衣遵

疎木空翠難強名魚釣易為曲援蘿臨青崖春心自相
屬交交止栩黃呦呦食苹鹿傷彼人百哀嘉爾承筐樂
榮悴迭去來窮通成休憾
未若長疎散萬事恆抱樸

讀書齋 城內西偏有謝康樂讀書齋

郡治謝靈運讀書於此

乃歸山川心跡雙寂漠虛館絕今爭訟空庭來鳥雀卧病
豐暇豫翰墨時間作懷抱觀古今寢食展戲謔既笑沮
溺津又晒子雲閣執戟良已疲耦耕日已歇池塘曠幽
觀達生還可託又讀書齋詩春事日已歇池塘曠幽
尋殘紅被徑隧初綠雜淺深偃仰倦芳禱
顧步憂新陰謀春不及竟夏物遽見侵

南亭 在城南一里許亦謝公游處

竟夕澄霽雲歸日西馳密林含餘清遠峯隱半規久痗
昏墊苦旅館眺郊岐澤蘭漸被徑芙蓉始發池未觀青
春好已覩朱明移感物歎星星白髮垂藥餌情所
止衰疾忽在斯逝將候秋水息景偃舊崖我志誰與亮

永嘉縣志

卷二十一

古蹟名勝

六

賞心惟良知國朝朱彝尊詩薄雲雨初
霽返照南亭夕如逢秋水生我亦西歸客

西射堂 在州治西南二里淨光山下靈運建暇則鳴琴

其中 寰宇記周行己浮汴記廣輿記案晏殊類要方輿

云今西山寺是也謝靈運晚出西射堂詩步出西掖
門遙望城西岑連障疊巘崿青翠杳深深沈曉霜楓葉丹
夕曛嵐氣陰節往感不淺感來念已深羈雌戀舊侶迷
鳥懷故林含情尚勞愛如何離賞心撫鏡華緇鬢覽帶
緩促衿安排徒空言幽獨賴鳴琴國朝朱彝尊詩
已見官梅落還聞谷鳥啼愁人芳草色緣徧射堂西

北亭 在州東北五里枕永嘉江圖經云太守謝靈運於

此與吏民別 寰宇記方輿勝覽謝靈運北亭與吏民

長愛賦託子雲昔值休明初以此預人羣常呼城旁道
更歌憂逸民猶抱見素樸兼勉擁來勤定自懲伐檀亦
難濟振眷言徒矜傷靡術謝經綸矧乃卧沈疴鍼石苦

微身行久懷邱窟景長感秋夏秋有歸棹長景無淹
津前期眇已往後會邈無因貧者闕所贈風寒護爾身
國朝朱彝尊詩日落空水深潮迴
春岸白時有看山人江南望江北

謝公樓 在拱辰門上本北門樓也謝靈運守郡時建恆

遊憩於此宋端平中守史彌忞撤而新之名曰江山勝

概樓

晏殊類要明一統志廣輿記戴栩江山勝槩樓記
宋劉安上登謝公樓詩高峙危樓厭翠岑登臨

遙想昔賢心人隨歲月有興廢名逐江山無古今殘日
汀邊生晚思斷雲簾外捲晴陰清風凜凜今何在芳草
池塘恨獨深陳傅良和沈守持要詩危樓何在水雲
中穿市牙旗退自公間作此來橫笛夜愛看人醉落帆
風歡呼夾道江聲合硬語盤空客技窮
姓氏從今聯沈謝不知千古更誰同

謝公亭 在江心寺之西南陬相傳靈運守郡時來游必

憩於此中有石刻像明宣德中寺僧曇旭脩後圯 國

永嘉縣志

卷二十一

古蹟名勝

七

朝道光乙巳巡道慶廉重建

何文淵謝公亭記孤嶼志
明林彥登謝公亭詩乘

閒偶過中川寺孤嶼亭前對落暉欲策枯藤尋往事笑
摩蒼蘚讀殘碑江涵北郭天初霽草綠西堂夢已非惟
有風流消不盡海
天空闊鳥高飛

謝客巖 積穀山有謝客巖謝靈運書白雲曲春草吟於

石崖今已蕪沒惟謝客巖三篆字尚存

名勝志
唐姚揆詩不見古君

子空餘舊林巒翠色媚車馬爽氣嚴衣冠天水影交碧
松竹聲相寒宋趙抃詩嶺路古叢坳池樓半砌城千
年溫俗意四榜謝公名寄傲留佳句遣思出至誠滔滔
屢江水東注等休聲徐璣初夏游謝客巖詩欲取紗
衣換天晴起細風清陰花落後長日鳥啼中水國乘舟
樂巖扉有徑通州人多到此猶自憶髯公明劉南金
九日登謝客巖詩興來漫學晉風流控鶴亭前自在游
烏帽黃花重九節碧雲紅樹謝村秋乾坤渺渺還無際
塵世紛紛總若漚我又江湖爲客去正須尊酒滌離愁

王一鵬詩載酒來尋石上書金釵風骨自然殊風流

千載遺踪跡還笑人間筆硯
有懷康樂公詩一夢傳千古詩人重友于池塘應在此
春草綠如初水色芙蓉嫩苔痕履
齒疏相傳巖上篆猶是謝公書

謝村 在積穀山下謝公守永嘉愛山水美於會稽創第

鑿池於積穀山下去郡時留其冢孫超祖侍太夫人於

此遂為永嘉人村因以名司空圖詩紅葉謝村秋是也

謝夢符鶴陽謝氏宗

支記王瑞謝岸墓誌

望海亭 青奧山兩山對峙如門宋永明中郡守顏延之

於此築亭以望海

名勝志 唐張又新詩靈海泓澄匝翠峰昔賢心賞已成空只今亭館無

遺跡積水蒼茫一望中

梁

永嘉縣志

卷二十一

古蹟 名勝

八

真誥巖 大若山在府城西北一百五十里梁陶弘景於

此纂集真誥故又名真誥巖

康熙府志 元尹延高詩真人仙去久洞穴尚餘

殿滴空巖雨廊穿別嶂霞對門孤石峭開牖亂峯斜欲跨蟾蜍背騰空采月華

蔣湛宅 在城西五十里建牙鄉梁普通初蔣渙為永嘉

守渙弟湛以西華奇山也留居不歸武帝賢而官之命

後守即廬授焉故鄉名建牙

葉適知處州 蔣公墓誌銘

唐

懷謝亭 永嘉令吳曾慕謝康樂風致構亭曰懷謝

萬曆府志

舊縣治 永嘉縣即漢回浦縣之東甌鄉唐上元二年於

此置温州縣移在州東百八十步

元和郡縣志

高陽公山亭

未詳所在

唐高楊炯李舍人山亭者今詩序永嘉

墅也廊宇重複樓臺左右煙霞樓棟之間竹樹在汀

洲之外龜山對出背東武而飛來鶴卓相臨向東吳而

不進青溪數曲赤巖千丈廖廓兮恍惚似蓬嶺之難行

深邃兮渺然若桃源之失路信可謂赤縣幽棲黃圖勝

景從來八子關高陽之邑居今日四郊逢舍人之置驛

故知樊家失策遂作庾公之園不郊逢舍人之置驛

地其人凝脂點漆瓊樹瑤林富文史言成準的蔭之

無疑孔文舉之邀凡蔣是周公之裔田孟嘗之待客照飯

金石而滿堂召琳瑯而觸目心焉而醉焉而飽大隱

朝市本無車馬之喧不出戶庭坐得雲霄之致於是百

年無幾萬事徒勞惟談笑可以遣平生惟文字可以陳

心賞既因良會咸請賦詩雖向之所

歡已為陳迹俾千載之下感於斯文

相逢處江村日暮時衆山遙對酒孤嶼共題詩廡

宇鄰蛟室人煙接島夸鄉關萬餘里失路一相悲

雁池 在城西南隅宿覺禪師妹元機悟道於此有羣雁

集池故名 康熙志 宋翁卷詩 包家門外柳垂垂搖蕩

多時 貧兒廢學寺近佛為鄰雪長官河水鴻驚釣渚春夜來

見日東人

劉沖宅 去郡東南四十里大羅山唐劉沖隱居處後人

稱廉讓里 萬麻府志

李集宅 唐宗室李集避地隱居茶山 舊志

後梁

子城

在府城內開平初錢氏增築內外二城 外城亦曰羅城內

城亦曰子城周三里十五步通四門內衛府治外環以

永嘉縣志

卷二十一

古蹟名勝

九 民國二十四年補刻

上浦館

在府城東七十里

明一統志

唐孟浩然永嘉

相逢處江村日暮時衆山遙對酒孤嶼共題詩廡

宇鄰蛟室人煙接島夸鄉關萬餘里失路一相悲

水元至正十三年廢為民居止存譙樓門址方輿紀要萬麻府志

譙樓 在舊郡治前開平中錢氏築元延祐年郡守趙鳳

儀修至正二十五年方明善繼脩林彬祖重脩譙樓碑 國朝順

治間燬康熙十二年副使許重華重建雍正元年郡守

芮復傳脩乾隆二十二年重脩乾隆府志 道光十九年再脩

宋

推官廳 宋推官廳址今温州府治是也萬麻府志

李少和宅 永嘉大羅山宋李少和世居於此太宗眞宗

屢召見之名勝志

周侃宅 在招賢巷舊志

永嘉縣志 卷二十一 古蹟 名勝 十 民國二十四年補刻

朱士廉宅 在城北仙桂鄉萬麻府志

蓮花莊 在會昌湖上宋鄭泰臣之故居舊府志 宋楊

客今已化為塵一束青芻莫空思如玉人

思遠樓 在郡治西南宋郡守劉述建面西山羣峯臨會

昌湖里人於此觀競渡令人歌思遠樓前路之詞卽此

是也後燬元郡守阿都赤復建方輿勝覽 明一統志萬麻府志 元林泉生重

建思遠樓記 思遠樓在永嘉郡治之西山履湖為東

州勝地以其思致幽遠故名或曰爲浮屠惠遠者非也

舊樓燬於至正辛巳之冬又明年癸未太守西夏嘉議

公廣其故址作崇臺高榭薨飛棟舉燦然加盛於舊既

成太守燕客其上遙望晴峯落日長河流雲林園茂密

禾麥滿野蒲菰苜芡之屬襍遯川澗風飄煙艇漁歌樵

唱相往來應答於空濛杳靄間皆足以滌煩慮發幽趣

也公名阿都赤字孝卿由禮部出典是邦政務長厚云

平急從高處賞已向歲前晴莫與鬢爭白試將身比清
樓頭接遠岫厯厯正分明許謙詩一樓矗城端簷影
墮水涯憑闌對堤草鳴榔飛浪花舊聞會昌湖一望十
里賒藩籬孰定地相入如犬牙河間尋文波僅可通行
媿芙蓉已銷落寒水浮枯葭佳景不及遠興思重咨嗟
夫人各有思所異正與邪潮汐蕩漓薄鄭衛生淫哇
君子善發慮身通心則遐徘徊興未已古木啼昏鴉

醉經堂

丁昌期建

兩浙名賢錄

戲綵堂

在倅廳通判趙屺迎其父清獻公抃來遂以名

堂

方輿勝覽

宋趙抃留題

戲綵堂

示男屺詩

我憩堂

中樂可知優悠逾月意忘歸老萊不及吾兒少且著
朱衣勝綵衣蘇轍寄題戲綵堂詩春晚安輿徧浙東
永嘉別乘喜無窮橐裝已笑分諸子吏道何勞問薛公
堂上壽樽諸掾集室中塵論萬緣通
興闌卻返林泉趣幕府長流孝悌風

鐵闌井

在興文坊元祐辛未僧子暉置闌

詳見金石

永嘉縣志

卷二十一

古蹟名勝

十一

紅雲閣

在舊郡治宋建簷外有紅梅二株又名紅霞閣

康熙府志

甌江逸志

宋楊蟠詩

重重風日

透花氣滿池塘誰把紅雲比紅雲無此香

紅雲樓

王十朋詩夢草池塘千頃蓮紅雲樓閣游人船

注永嘉有夢草池紅雲閣

翠幄軒

普寂院有翠幄軒宋高宗駐蹕之地前有榕樹

甚巨

孤嶼志

宋楊蟠詩

海榕樹倒出皮

滄浪閣

在城內宋時建

明一統志

宋楊蟠詩萍實祇

無爲濯纓來

海月堂

在孤嶼西峯下宋僧靈岳建今廢有石刻明郡

守洪覺山公像

孤嶼志

宋楊蟠詩

杳杳璧沈水亭

亭珠在淵落潮流不去還向定中圓

翠微亭

在太平山

萬麻府志

宋楊蟠詩

飛蓋出西郭
正當新雨晴
遙山已可數
木落更分

明

清心堂

在舊郡治

明一統志

宋楊蟠詩

前後坐堂上
飲冰皆自持
其間賢太守
誰獨畏人

知竹間風此心所得無多事要在靈源一點通
呂由誠詩
夜榻卧看池上月
曉窗吟聽

問月臺

在府治
東宋時築楊蟠詩
清光更有處
莫只照

金樽

明一統志

冷翠閣

在護國寺

萬麻府志

宋楊蟠詩

山杪一泉迸
俯窺臨石厓
明珠不待拾
自濺入人

來

衆樂園

在舊郡治
西迤北縱橫一里中
有大池塘亭榭

暮布花木彙列
宋時每歲二月開園設酌
人羣歡會盡

永嘉縣志

卷二十一

古蹟名勝

十一

春而罷

明一統志

今府城隍廟是其址
園仍舊名

宋楊蟠詩

昨日折花者又隨蜂蝶來
思量妨底事紅蕊續還開

放生池

在松臺山北

宋楊蟠詩
悠然已更樂
知是鼎中餘
有海尚可往
慎毋往見魚

雙蓮橋

在永寧門外
舊有蓮花並蒂故名

萬麻府志
宋楊蟠詩
昨

日采蓮者雙雙橋畔新舊
花今不見喜見似花人

華蓋樓

在舊州治
東有樓名華蓋又名東樓
亦名華蓋

門宋郡守楊蟠有詩

萬麻府志

元李思衍華蓋樓詩

橫銀河一道江連海畫障四圍山繞城老樹烟雲春綠
暗小橋簾幕曉紅明陰陰翠影誰家屋夢覺草池鶯一聲

東樓

西樓

南樓

臨圃樓

並見楊蟠永嘉百詠

四案

樓疑卽子城門樓
臨圃蓋北樓也

衆樂亭 蓮嶼亭 圓照亭 飛綃臺 柑園 並見楊

蟠永嘉百詠 舊志

竹閣 見楊蟠永嘉百詠 浙江通志 閣詩極目盡天際風煙杳靄間

水光清澗日野色遠連山白鹿今何在
高僧此獨閒
我來無伴侶乘興一躋攀
許景衡招虞仲來竹閣詩一
諾定須遊竹閣多時凝望出松臺
祇應城市醺醺醉肯
爲詩翁特特來湖水秋來清見底
仙山雨後翠成堆
鸞干供盡登臨日鷗鷺翩翩日幾回

百詠堂 在府治東 萬麻府志 宋許景衡詩林郭尋常

都吟過 留與遊人取次看
寂寂郊原秋色遠悠悠
江天暮寒可憐三十六坊月還照
先生舊倚闌

望思亭 在余奧山嶺劉安上作 劉安上記 某生十有九年先人奄棄諸孤業守

永嘉縣志

卷二十一

古蹟名勝

十三

緒餘能自樹也雖不辱其先每念不及一日之養且喜方以
不追痛殞絕也及濫吹於朝偏親垂白既懼欲請外以
出入言路奉職惟謹而不及朝夕之養亟欲扶護遠
歸以終窳事實荆溪余奧山之原去先人之兆一里而
近從先志也夫合葬世後所尚然謂之古則不可故
後世有不合葬者或後世之罪也先人葬方潭山丙地
地小而狹舊不爲壙今將竊而合之或撓動其神靈毀
傷其林木於小子安乎余奧距方潭山左乎高祖之廬
居於山下作亭於巔名之曰望思若祖若父顧盼之所
也右乎先兄之所葬也悲斯亭也愀然省厥躬其不忝
靡不畢見既而望而悲思而愀然夫座右之銘矣
前人乎則廬居之間不待訓諭戒與夫承大訓經
矧予憂患之久重以頑闇若不惕厲何以奉承大訓經
曰無念爾祖聿修厥德又曰夙興夜寐無忝所生嗚呼
小子可不念哉可不念哉亭去夫人墓五十二步建於
既葬之年五月
二十三日記

追遠堂 適堂 在城西四里孝子仰忻建 萬麻府志 宋郝亶詩孝

慕終身衆所難夫君盧守志何堅自非追遠如有日肯
爾忘歸不計年慈隴徧栽千歲柏影堂新對一爐煙巖
頭月白寥寥夜獨咏南董奏五絃
石景立有題仰孝子適堂詩

水陸閣 在孤嶼西塔院下宋崇寧元年建明正統中寺

僧日菴重建萬厯辛卯王叔臬重脩取空水共澄鮮句

易名澄鮮今廢 孤嶼志 明黃鐘澄鮮閣詩對酒不辭

天燈影沈帷外鐘聲出枕邊獨憐今夕永孤鶴唳芝田

樓卜畫清尊兼卜夜中流明月況中秋波光直向滄溟
瀉桂影真從霄漢浮謾說西園飛蓋賞何如李郭在仙
舟

絕境亭 在積穀山上周行已建 名勝志 宋周行已詩

削羣山列培塿衆水分脈絡下瞰萬瓦居縹緲見樓閣
松風發天籟冷然衆音作晶晶天宇清塵襟一澄廓

永嘉縣志

卷二十一

古蹟名勝

十四

浮沚 在小雁池東畔周行已故居 東甌遺事 宋周行

然出油然歸有名無位凡民如也有鄉無居逆旅如也
傲室淨光山之下古西射堂之遺址藪然小洲繚以勺
水予視吾生若漚起滅不常視吾生若萍去留無止以
吾無止之身而處暫寓之室聚沫也塵垢也蟬蛻也芻
狗也於吾何哉政和歲在執徐六月癸丑颶風大作
橋斷門墮簷折雨漫乃易橋以舟瑾北戶而南嚮增簷
為軒寄容足之苟安按爾雅水可居曰洲其小者曰
沚人所為曰瀆予惡瀆之名而欣沚之義於是總其名
曰浮沚浮沚之西舊為小閣名曰漚閣浮沚之東新為
小軒名曰萍軒其北舊為小閣名曰漚閣浮沚之東新為
浮室而渡到彼岸焉名曰陰幽不善也其南假道於善
引舟而渡義也因水而為洲因洲而為室因室而為名
也是吾居也皆浮義也寄焉宜也爾而宜故吾不
獨浮其仕又且浮其居不獨浮其居又且浮其生然則
有之而何得無之而何失吾聞古之有道也貧而樂窮
而通豈謂是歟非曰能
之願學焉記以自警

東山堂 在謝池坊周行已建

名勝志

宋翁卷詩城隅

煙霞起全無市井喧鶴來巢木杪龜出戲蒲根消得吟

詩客憑闌看幾番葉適詩城嶂標辰極誰家特有山

偏憐東崦好只對此堂閑動石低簷住流鶯拂檻還仙

關鎖瓊海幽夢或時攀趙汝回詩謝守登臨地今為

博土居由來好山水常得近詩書洞與衡岳接泉分玉

井餘年年為吟事春草不教鋤葉杲詩何處着詩癯

巖邊有隱廬雲生草樹合魚響夜潭虛住久無

他姓山空隱讀書平分謝池月吾亦百年居

青牛塢 在華蓋山麓宋林靈素乘青牛於此因而得名

岐海瓌談

引舊志

敬亭 在雁池宋儒鮑商霖建百餘年亭廢歸薛氏子舒

案舊基復作亭刻記其上

宋張繹記鮑君商霖率二三

子自永嘉來學於伊川先生勤苦自勵早夜孜孜不舍

於是吾先生之門人以君為畏友也一日謂余曰永嘉

素號繁麗而雁池又其衝也吾家作亭於其南而中間

大湖浩然若千里江濤之阻吾將綵衣婆娑其下雖繁

華於我何加予應之日噫子言過矣使子有主於中雖

坐諸紛華中可也不然特形苦而心馳一勺之水奈子

何昔吾聞諸先生曰學之道始乎敬而已敬則實實則

虛虛則無事矣子推是言而求之慎思之明辨之篤實則

之含釀浸化亦將庶幾乎言未既商霖起拜曰予無敢

言矣吾今而後知夫子之道大而子不欺也請名其

亭曰敬亭

養源堂 在郡學每歲旦於堂上交拜敘賀

霜露堂 張輝城南人廬於墓者三年作霜露堂以享有

甘露降於庭人謂孝感

御覽閣 奎文閣 御覽閣在金奧福聖寺宋高宗駐蹕

於此又有奎文閣元時燬閣前石塔羅列水中遺址猶

存萬麻府志

清輝堂 浴光精舍 在普寂院中宋高宗駐蹕此地御

書清輝浴光四字因名浴光久廢孤嶼志明王朝佐清輝堂詩古汴寒灰

不可温熒熒孤嶼火猶存一坏未問長陵土兩字先勞
萬乘尊卓筆有鋒兵自弱投戈無志藝何論清輝堂上
重回首漫說 旋乾與轉坤

萬歲埭 在拱北門內建炎四年二月己卯高宗次江心

寺庚寅移蹕温州自拱北門入百官父老拜伏道旁山

呼震地至今巷名萬歲埭萬麻府志宋王十朋駕幸

人咫尺見天威間關高帝尚鞍馬謹厚漢光猶絳衣北

斗城池增王氣東甌山水發清輝
復旄頭 彗紫微

永嘉縣志

卷二十一

古蹟 名勝

十六

行宮 高宗駕至温州以州治為行宮譙樓為朝門州宅

為宮禁萬麻府志

天慶宮 高宗駕至温州以開元寺為天慶宮奉安太廟

神御萬麻府志

行署 高宗駐蹕時都堂府在崇德寺右相都監衙在舊

南樓門州治在儒志坊張氏宅舊府志

下馬臺 在玄妙坊宋高宗謁天慶宮神御時於此下馬

萬麻府志

上安橋 在上門高宗旋駕問橋何名知州盧知原以上

安對高宗悅命金書橋額萬麻府志

上門 定安門在城西北俗稱上門與來化永清二門相

聯宋高宗回鑾由此洪武十七年塞萬麻府志案俗又訛作象門

貢院 在城東北隅真華觀側南渡時建今廢惟存貢院

舊額及土地神祠乾隆府志案歧海璣譚舊貢院基係宣政間貢造進奉置局之所非科

試貢也宋貢院址在永清門底又案貢院作於宋淳熙間郡守沈公樞見陳傅良重修南塘記附識於此

稽古閣 在府學紹興十年守程邁重建廟學做太學制

右為廟曰大成殿後為閣曰稽古左為學中為養源堂

元延祐元年火五年均重建至正丁酉颶風閣摧廢萬麻

府志

獨醒亭 王琮雅林小稿題獨醒小亭詩注東嘉酒舍予

永嘉縣志

卷二十一

古蹟名勝

十七

所創詩云退食多留此儵然一散襟涼從曉來覺秋向雨中深牆竹侵山色簷茅雜柳陰有誰能載酒過

我共幽尋

林季仲宅 竹軒雜著去城二里許得地十餘畝水橫其

南兩山夾其東西鑿池植樹遂定我居堂曰知非亭曰

曲肱曰學圃

臞溪別墅 林季仲次韻趙表之郊行詩注余之別墅名

曰臞溪

忠義堂 在舊州治北紹興初太守程邁為顏魯公建六

年太守李光繪公像置堂上徙公親書告牒石刻於兩

旁 鄭剛中忠義堂記

六檜堂 胡袞當宋運中微屏處華蓋山中忿秦檜誤國

於堂階之下手植檜六本揭其匾曰六檜堂蓋以六之

音與戮同 賈淮六檜堂集序

讀書臺 在孤嶼東塔院下宋王十朋讀書處今廢 孤嶼志

宋莊 宋侍郎別業在思遠樓之南有軒名遙碧 王十朋宋莊詩

注

夏仙里 在二十都夏元鼎隱西山修煉今其地名夏仙

里 屬麻府志

流觴亭 在舊郡齋東偏宋守樓鑰建醵池為曲水繪蘭

亭修楔圖於壁 名勝志

永嘉縣志 卷二十一 古蹟 名勝 十八

張仲梓宅 在謝池 樓鑰張仲梓墓誌銘

醉樂亭 在城西五里西山宋郡守孫懋建 屬麻府志宋葉適記因

城郭之近必有臨望之美為其人燕紆往來之地所以
合衆紀時消煩娛憂豈天固設之哉永嘉多大山在州
西者獨細而秀十數步內輒自拱揖高不孤聳下亦
凝止陰陽附從向背以情水至城西南闊千尺自峙巖
私鹽港綠野新橋陂蕩樓下土人以山所到斯吉相
應和已而皆會於思遠樓下僧與植歲將寒食
也益深其掩百金一藏珥匠施而祭相與為遊嬉城內
丈夫潔巾襪女子簪珥掃塚而相與為遊嬉城內
外無居人焉故西山之遊為最雖然地狹而專民多
而貧外有靚袷都雅之形其實無名園傑樹尤花異木
邀者雖心競不相下然或舉債移質為畢事而已固不
能鬪珍麗窮水陸也守長不察曰噫侈富甚矣貪胥所
窺暴令繩之必邏捕以酒奪其笑語械縛擊破產納
錢不如是權利不數倍嗟夫以囊從奢求一日之樂而
貽終年之憂不變者何也朝議大夫直龍圖閣宣城孫
公為郡之初訪民俗之所安而知其故至清明節始罷

權弛禁縱民自飲又明年宅西山之中作新亭以休遊
者名曰醉樂取昔人醉能同其樂之義孫公性不喜飲
其政不專為寬蓋通民之願而務得其情如此亭成而
民歌樂之當是時四鄰水旱不常而永嘉獨屢熟殆天
亦以其人之節民之醉飽歸於德何者上無所以病
使從其教節民之醉飽歸於德何者上無所以病
民也及其後也因民之自游而為之禦招民以極醉而
盡其利猶有不得已游且醉則其賴於生者日已薄而
人之類可哀也已故予記公之事既已賢於今之所謂
病民者而推公之志又將進於古之所謂治民者也紹
熙五年五月

湖莊 陳謙別業有與造物游樓

宋趙師秀和陳水雲湖莊詩鄰鄰水增波疊疊

雲弄影昔誇春景妍今愛秋塘靜芳筵集寶彥清宴除
豔靚時當新兩餘蒼翠獻林嶺既忻沖抱舒復快遠目
騁仰嘉鐘鼎一人而乃眷箕穎深營察高趣雅歌發沈景
獨使和者難一夕愁欲瘦又題與造物游樓詩何處
飛來縹緲空中人間惟有畫圖同兩層簾幕垂無地一片
笙簫起半空岸竹低添秋水碧渚蓮平接夕陽紅游人

永嘉縣志

卷二十一

古蹟名勝

十九

未達蒙莊旨虛倚闌千面風

瓜廬 薛師石築室於會昌湖西名曰瓜廬

趙汝回瓜廬詩序宋趙

師秀詩不作封侯念悠然遠世紛惟應種瓜事猶被讀書分野水多於地春山半是雲吾生嫌已老學圃未如君

徐照宅 在雁池

徐照移家雁池詩已見前雁池下

林季任宅 在梅嶼

梅溪集

中和樓 在舊郡治園內施守建

萬麻府志

蔡幼學宅 在慶善坊

萬麻府志

趙建大宅 在六都新建街

萬麻府志

戴溪宅 戴溪築室岷岡山稱岷隱先生

名勝志

松風閣

在淨光寺

葉適詩城中雲日如火催淨光行食聲轉雷不知何處白蘋起便有滿座

清風來莫言作樓非急務翁當運斤兒執鋸待得三間着此風病叟扶攜上樓去

駐鶴亭

在城南巽吉山宋白玉蟾曾駐此

明一統志 萬曆府志

葉適宅

永嘉有西湖南湖總謂之會昌湖宋葉適世居

西湖之水心號水心先生其所居有華堂

名勝志 萬曆府志 宋葉

適水心即事六首生薑門外山如染山水娛人歲月長淨社傾城同禊飲法明闔郭共燒香我久無家今謾歸賣田買宅事交違墳高幫闊為深費柱小簷低可厚非雖有蓮荷浸屋東暑煩睡過一陂紅秋來人意稍蘇醒似惜霜前零亂風拒霜前插花疎疎甘菊新移日曬枯花草至今如此在幾時寫作會昌圖聽唱三更囉裏論白旁單漿水心村潮回再入家浦月上還當處處門吳翁肥遯逾七十术老芝荒手自鋤惠我篇章成錦字西鄰得伴亦堪書

永嘉縣志

卷二十一

古蹟名勝

二十一

燕樂堂

上田戴氏族譜戴桷行狀公得怔忡之疾前後

五稔作疏辭上恩恨勞除直煥章閣主管紹興府鴻禧

觀告詞有曰岷隱春容式燕鄉粉之樂公築堂扁曰燕

樂以侈上賜

文峰樓

宋陳聖元早舉於鄉建此樓吟咏自適

舊志

夢草堂

在舊郡治後宋建即晉之西堂謝靈運夢惠連

之處元至元中浙東宣慰使洪模復建明正統間方伯

謝宏治己未署温衛陳侯兩次重建

萬曆府志高寶重脩夢草堂記今

復廢址存

宋真山民詩留得斯堂萬古名江山不敢閉英靈池光曾染吟邊墨草色猶如夢裏青南

浦詩香流未歇東家魂冷喚難醒當時園柳俱塵迹惟有鳴禽尚可聽 明劉基夢草堂遣懷詩即事在自得

強歌非正音所以春草句聲價重兼金若人千載下遺
響邈難尋淒涼一池塘賴爾得至今我來當杪秋天淨
潢潦沈枯荷有餘香衰柳無殘陰鼓鞞響未已山水意
徒深感時念兄弟惻愴傷我心鮑武詩不是耽佳句
憐渠友愛情至今荒
砌岸草色泛餘清

觀瀾軒 在城宋建舊府志

挾海樓 在康樂坊宋官酒樓康熙府志

八仙樓 在東北隅宋官酒樓康熙府志

伊導宅 在縣西南孝義鄉伊孝子居此舊志

潘希白宅 在柳塘萬姓統譜

留雲亭 在積穀山巔又名積穀亭屹立危巖俯瞰大海

為一方壯觀明萬厯間重建改名東柄後仍名留雲久

永嘉縣志 卷二十一 古蹟名勝 二十一

圮 國朝雍正間分巡道芮復傳重建萬厯府志光緒

二年督辦鹽釐鄒仁溥脩宋林景熙詩截棄鎮九斗

開珠亭永懷謝康樂坐嘯山水城曠代得真契人土何營

營石麟卧荒麓問此誰氏瑩野老向我言其人昔公卿

知鐘鼎貴不如此蓋傾華休變百年所寶非嬰倚杖

空歎息洞如芝蕨馨所以世外人返老還吾東城華

蓋連積穀古洞飛丹霞仙跡留白鹿登臨暢襟抱視聽

豁心目嶺影三千尋人烟十萬屋劉根逸駕遙謝客清

風穆雞嶺偃青蘿龜池披紫蓼山川不改顏雲物長如

沐舊址一朝新孤亭相望凌虛接太清
石磴上層層松濤起謾謾倚杖留雲宿
聳立迎東旭愛此不時來倚杖留雲宿
驂鸞亭 在積穀山明邢昉歌永嘉城東積穀山峯龍

藥石且刑字跡漫滅可尋繹乃云此亭名驂鸞劉君煉

鳳相逢迎昔遊洞庭徧諸嶺曾見毛公二丹井靈境空
嗟想像難仙踪尚覺幽思耿亭前殘碣勿毀棄其中載
有毛公事

安雅亭 在子城上後改吹笙臺留守勔樓改名拱北熙康

府志

秋月臺 在子城上舊府志

芙蓉亭 在舊郡治天池中三面皆荷花太守暑月治事

於此後名君子堂萬麻府志

豐暇堂 在舊郡治池上樓南萬麻府志

秋香堂 在舊郡治後萬麻府志

澄心閣 在舊郡治秋香堂東萬麻府志

永嘉縣志 卷二十一 古蹟名勝 二十二

道愛堂 在舊郡治中萬歷府志

林氏筠栖 林霽山集納涼過林氏居詩注温州城南人

其家多竹號筠栖

雙檜堂 在城內林景熙為魯聖可行可賦雙檜堂詩魚頭公子冰雪姿根柢忠信華文辭迺翁

手植豈無意貞固已作層霄期稟含芝木體松柏容成
山下神仙宅清陰冉冉生庭除綠莎織纖護琴冊風簷
對語如索詩君家伯仲諧壘簾養成材器豐且碩蓄洩
雲雨蟠蛟螭黃州謫臣坐詩累杳杳蟄龍空九地蒼根
留取千載芳何物醜秦盜名字

元

總政堂 在郡治至元庚辰建元趙鳳儀記總政堂者府治視事所也夫治國如治

絲然紛者整之散者一之總之義也温為浙左上路領
二州二縣坐總政者有監有長有貳佐領挈而裘振也

表正而影從也其總政之義與堂始於至元庚辰距今四十年而興勦顛末無一語以示厥後予延祐已冬來守詢吏民莫知所對而言曰是予責也民者乎一門一臺之微必書愼其事也況總庶政達萬民者乎是宜書

一鏡池

在府學延祐五年鑿

廣輿記萬曆府志

四時萬象亭

在城北門江濱

明一統志

幽慵齋

高則誠有幽慵齋

東甌遺事自詠詩閉門

元高明幽慵齋

雨餘青苔無人掃永日謝軒車清風忽南來吹墮几士書夢覺聞啼鳥雲山滿吾廬安得嵇中散樽酒相嬉娛

半江亭

在安溪

元喬夢符半江亭上憑闌搥鼓樓船弭節折桂

灣金虎懸符玉龍立梨竹樹生寒綠波人在蓬壺圖畫間雲堆晚列歌鬢尊酒開顏如此江山人在蓬壺圖畫間

帝師殿

在華蓋山下

柳貫碑記

永嘉縣志

卷二十一

古蹟名勝

二十三

清芬閣

在城西南隅婁鎬祖所建鎬命名

陳高記温城

者二萬家連棟接簇若蜂房只尺空隙地不易得故各為重屋以處層樓飛閣翼起相望於湫隘喧闐之中而有閒靜幽雅之趣吏胥叫囂隳突稍遠於耳可舒懷抱集賓友游焉而文藝樂焉而絃歌則非凭高眺遠而已婁鎬之名曰清芬蓋其西南隅居臨巷道且近市為閣堂之上名曰清芬蓋其西南隅居臨巷道且近周所命也閣之為間者五衡廣六尋縱二尋有半中間坐數十人南北各列牖望見遠山壁立其左右兩間設茵榻蓄圖籍鼎周之先君子近處某性雅好士遇佳友至則延而居之讀書鼓琴投壺奕棋觴咏相樂以窮昕夕鄉之先達進士鄭君項君仲歲升章君堯彭君庭堅皆嘗游憩是閣者至正甲辰歲君堯復來正郡學鼎周舍焉予每過商君必登閣而周君堯復來子觀輒欵留講論古今觀年弱冠執弟禮且好文學鼎周能繼處士志而觀先人之志如清芬閣也所以致賢士來游而相與誦先人之志如清芬閣也其在茲乎吾聞婁氏之先世諱寅亮者登宋甲科高宗時為御史論建儲事連疏請選立太子稱其賢

是其清芬之遠播愈久而不泯者尤可誦也觀來請記故書之以示後人云

樓雲精舍

在吹臺山下陳光祖建

陳高銘并序同郡陳光祖字用賓葬其母

於祖塋之側在吹簫臺山下距城二十里構屋於墓左用賓居息讀書其中集賢學士陳公扁之曰樓雲精舍以飛白法作大字書之蓋西南之山吹臺最高其上嘗有雲氣轆轤故以名云然用賓之構茲室而居焉者豈徒愛吹臺之雲乎哉蓋不忘其母也不忘其母者孝也孝子之道不忍死其親故親以顯其親惡可以他求哉則必思所以顯其親矣思所以顯其親以修其身以善其反諸己焉而已耳用賓讀聖賢之書以顯其親矣因銘其室使身修行立而聲譽流聞斯有以顯其親矣因銘其室沃若其雲溶溶於山之陽依其先塋陳母之藏陳母有敬親遺體永矢弗渝翳彼嘉樹曰松與檟秀色千霄雲成嗟陳氏子旦夕兢惕式顯其親令聞無斃以

永嘉縣志

卷二十一

古蹟名勝

二十四

明

江山一覽亭

在華蓋山巔嘉靖年重建改爲吸江亭萬

厯戊子巡道蔡廷臣重建改名大觀

國朝雍正間巡

道芮復傳重建

厲麻乾隆府志

道光二十七年毀於颶同治六

年知府戴槃重建

明趙諫詩東山山上獨凭闌遠近都歸指顧間靈運詩魂迷短碣葛公丹

氣燭靈壇乘軒鶴去吹臺冷灑翰人亡墨沼間我愛使君才獨步作詩留與後人看侯一元大觀亭詩華蓋

倚城巔登臨萬木烟亭孤當落日江遠欲浮天雙樹春雲裏孤舟野水前春心成浩蕩一惜離筵戴宗璣

九日登大觀亭詩端居乏騎結羈懷良耿耿借此重九游振衣蒼翠頂心目頓超豁廓然開奇境蕭颯拂松濤

賞微落雲影遠靄罩大江荒烟迷古井遐覽屬大觀清

同浮梗悠悠千古心此意誰能領國朝嵇宗孟飲大觀亭詩山亭六月畫生寒夏日登臨騁大觀城市九峯

連斗極海天萬里靖波瀾羅浮漢漠人家古孤嶼離
樹影寬最是風流王逸少至今五馬復追歡鹿城萬
堞羨名區極目桑田風景殊松冷荒臺僧戲馬月明華
表鶴攜雛移情山水忘絲竹載酒雲霄坐畫圖海上櫓
樓今飲至也教
河朔醉吾徒

愛竹山房 在普安坊西蔣允汶所居子德昭題其書舍

曰愛竹山房

蘇伯衡記始予抵永嘉訪王君如淵過普安坊西行數百武見永嘉水屋一區竹樹蒼

翠光彩奪目顧謂同行者曰隱君子攸居之明者問何
以知之予曰嘗聞君子之鍾則在其屋室門戶之間猶
爲之津華其善色之所鍾則神明之先舒也是以候息
生而岸不枯地有寶藏則草木屋室之門戶焉今歲暮
者不求於人而觀其山川草殘而竹之在是家者蒼翠
天地閉塞冰雪凝萬彙摧殘而竹之在是家者蒼翠
乃爾雖曰其受命也獨抑豈非隱德之休徵與同行者
曰此蔣先生之廬也予因介王君就見先生睹其儀形
接其緒論休焉盛德之善慶足以沾溉一鄉也久矣
之山而畏壘大穰君子之善慶足以沾溉一鄉也久矣

永嘉縣志

卷二十一

古蹟名勝

二十五

民國二十四年補刻

況植物在其庭砌間乎顧瞻久之然後去他日王君語
予曰今龍泉文學昭著而親之暇則學於斯蓋先生
時居於世間一切物奉不親之好則林立其廬之前
平左右者皆手自封植尤謹焉此山房之益友德昭
後先生甚好之也護視尤謹焉此山房之益友德昭
以先願爲德昭記之予謂夫冬夏不抱道之器也直其
竹也願不撓有幽獨之操焉虛其中抱道之器也直其
焉特立不撓有幽獨之操焉虛其中抱道之器也直其
外卓行之表也實泊然無君澹然無君所好之非子雖
有竹不以物非人也泊然無君澹然無君所好之非子雖
豈不以物非人也泊然無君澹然無君所好之非子雖
善事親也則德昭之於竹宜歟如其母之愛亦昭之
心豈欲推此以愛雖一物之於竹宜歟如其母之愛亦昭之
乎亦欲推此以愛雖一物之於竹宜歟如其母之愛亦昭之
邦之譽而爲蔣氏賢孝子弟宜矣而豈可得多哉吁善
所鍾固無間於人賢也然弟宜矣而豈可得多哉吁善
白而語乎今蔣氏之圃猶有若斯竹之美蔣氏之門宜
其有若德昭之賢人孰無子而先斯竹之美蔣氏之門宜
乎一人之子有由然矣因述爲記欲
知一家之善者尚有所觀覽焉

水北山居

在江北葉伯攷故居

明宋濂記古之君子其

葛恬然視之而却山林之遐思焉今之君子其在山
林雖清曠有餘往性或固歟抑習俗相承之久而
唯恐失之豈人能特立而不為所移殆所謂貧中之
弗克變歟有能特立而葉君伯攷世居嘉城中永嘉
古壘洗郡南引七閩東連二浙宦車士輟之所憩止
海右名郡委閩連二浙宦車士輟之所憩止
舶夷琛之填委塵土冥茫中以求遂其尺寸之欲不
聞雞而興奔走於塵土冥茫中以求遂其尺寸之欲不
水則不然結廬於友攜酒壺出扉僅蔽風日名蓋山
持盃浩歌聲振林木或擢短艇具簞簞不垂綸於江
或呼小奚奴相隨吟夢草堂上詩句不逼古人不欲
休當其適意時乾坤空闊竟不知榮辱之代遷而寒暑
之往來也人皆曰賢哉伯攷高情逸韻皦皦而外跡
雖朝市而心實山林其近於古之君子哉然予竊有疑
焉使伯攷為布衣時此以洗心滌慮庶幾可也今猶
大府為僚任七品之職豈以伯攷之望亦云重矣而猶
不忘乎山居無乃不可乎試以伯攷之意逆之官書叢

永嘉縣志

卷二十一

古蹟名勝

二十六

勝不暇爬梳戴星出入猶以為不足其能索句於寂寞
之濱乎上承乎府公下轄乎掾曹不敢抗之以為高不
欲抑之以為卑慮宜詳矣其能釣滄波而出白魚乎民
情真偽而莫之辨官事鞅掌而莫之集凝思入乎芒屨
精析極乎毫釐其又知道之不一者將連光景乎是耶
者伯攷今咸無之而又知道之不一者將連光景乎是耶
或志之以示不能忘我之矣士君子不以出處二其
心故賤貧不能懾貴不能驕始終一節卓為名臣伯
攷之賢不可稱道如哉雖然予視一朝得簪笏暮厭雲
泉者大明麗天萬物畢照雖一藝者必收占於樞要者
當如伯攷之學之美誰不羨之其有不登於樞要者乎
伯攷宜悉屏江湖之念而益存魏闕之思俟他日功成
名遂歸老於水北山居而賦詩尚未晚也贊禮郎張生
舊游烹鮮酣暢從容而賦詩尚未晚也贊禮郎張生
子翊嘗從予游力為伯攷求記其事故相與一言之

還林書屋

在南禪湖上海窗金先生之居

黃淮金
棋臺誌

黃淮宅

在幞頭河扁賜歸堂前有奎文亭奉勒宣宗賜

贈詩

萬曆府志
詩詳金石

御書樓

在幙頭河黃淮建

康熙府志
介孤亭御札

明陳謙壽詩一

春詩

早折天香近御筵高岡卓識邁羣賢東宮曾奉九

重日

西苑經披五色煙集著省愆垂奕葉船書

五美園

在茶山

明黃淮詩清曉肩輿入翠微溪流曲折
護巖扉布金傲地徒成幻卓錫為菴信

不非

翠竹黃花俱淨供風聲鳥語總禪機碧潭龍女知

人意

收拾陰雲送客歸放舟循橘浦輕霞入路是桃源

還憶

山西五美園落日放舟循橘浦輕霞入路是桃源

水亭

在五十都鶴陽謝庭循建嘗圖以呈宣宗御製詩

賜之遂名寶翰嘉靖中謝尚旦新之名曰鎮川勒詩於

永嘉縣志

卷二十一

古蹟名勝

二十七

石

萬曆府志鶴陽謝氏家集

宣宗詩臨流亭館淨無

頭雲

翠迷洞口松千箇白占林梢鶴一

靜樂軒

謝庭循嘗以靜樂名其軒士大夫與之游者皆

為賦靜樂之詩

金幼孜靜樂軒詩序

宣宗靜樂詩賜

門殘

霞收赤氣新月破黃昏已覺乾坤靜

永感堂

舊志明劉定之永感堂銘并序翰林修撰周君

然君

雖揚名顯親光於家邦而常抱終天之戚不少忘

於懷

迺以永感名堂可謂孝矣予忝與僚之末僭為銘

為積

善門繫君父母孔仁且溫是啟其祥以際聖世巍

擢茂

科燿居近侍於顯君恩賁於親祠龍章服冠珮

珈笄

夫豈不榮而親不在永矣深感喟然寤慨遺書斯

存遺

音益遐蕭閣是敬藻績爰加拜首稽顙涕淚霑臆

神之格思天兮罔極白雲悠悠蔭於松楸千里萬里或春或秋吁嗟遠矣何以報之移孝為忠尚允蹈之功名卓偉式之所生祀以五鼎永昭厥聲

懷勝樓

在象浦驛

舊府志月思無以騁使客之懷接江山之勝

復作樓於驛之右既成與客時登焉諸山鬱然環列几下江流瀾瀾左右合抱如帶兩浮屠屹立水中儼若美侍從相向巒巒氤氳如炊則雨既雨則瀑布中儼若美旭日乍臨夕春將暝昏曉相繼晴光霞彩煊爛舒卷樹色之淺深潮汐之進退時刻幻化若良工持五色筆極其塗抹點綴幅殊態罔令人聳視而貯於懷也樓夫樓懷於江山為勝將使人物俱孕斯美所以勝仁知者之樂也樓云乎哉

三光亭

宏治志年六月抵任越兩月郡守至總庶政予始得就清

軍館北隅有池廣可六十尺予中分之架木為梁鋪板

永嘉縣志

卷二十一

古蹟名勝

二十八

為地作亭其上開三面以通三光疎櫺橫檻規模軒豁遂命之曰三光亭

省耕樓

在廣化廂成化間建在此勸農今圯

乾隆府志

活水亭

在學署後煉丹井之上

永嘉縣學宮圖舊志作問水亭誤

瑤溪精舍

在五都瑤溪成化間張慕本築後為鍾秀園

有來鷗亭千橘亭溪山一覽亭留勝亭

張氏聞知錄

芙蓉亭

在開元寺王瓚讀書僧舍五月芙蓉盛開後榜

眼及第因名

按一在府治已見前

奎光閣

在縣學大成殿後知縣王獻臣建背山面殿積

書數千卷以資講誦

季東陽記見文外編

醉筠亭

在華蓋山麓邑令李丕顯建

萬曆府志

慕雲樓

長春亭

在飛霞洞下王悠深建

項喬長春亭記溫城東南

隅有積穀山山城下有飛霞洞志傳劉道士飛仙之所
 也五馬王洪甫氏厥翁竹亭先生愛其勝卽構屋之
 游其下卒則爲慕雲樓以志戚間又鑿池畜鯽供母氏
 所嘗嗜焉洞有甘泉井隔河而艱於濟渡洪甫又造梁
 開道以通之隱然蘇耽一橘周公取溫起死回生廉
 能知大義者耶前令尹石匡公勵洪甫民之未知義
 其能悅親利物遂給券賅之今山麓用矣洪甫雜植木
 者鄉人稱快君子躋之經賓友雅歌投壺靜夜而
 日不讀書施藥其燕暇則拉賓和煦之氣藹如也
 香不某口又有長春亭之築其內弟嚴汝晦來告予故
 記之或以四時之序有春則有秋於是不知春往矣何謂之
 長春也嗚呼是殆知溫然者爲春秋不則春鼓之雲靈與
 潤之風雨同翕聚則不能發散之物不剝落所以爲生正
 天地之化不翕聚則不能發散之物不剝落所以爲生正
 之義亦育之仁也孰謂天地之殺者亦所以爲生正
 腑哉然擬此於聖賢豪傑大夫師長可也洪甫以吾人肺

永嘉縣志

卷二十一

古蹟名勝

二十九

民國二十四年補刻

醫生道也殺其非仁術矣何以名亭哉殊不知岐黃倉扁
 之聖神工巧其用參芪歸朮以壯魄扶元固所以生之
 也遇癰疽贅瘤之病雖不免焉執洪甫出奇制勝予
 砒以潰其肉而亦非所以致之良真無敵於天下者也
 嘗三折肱矣知其爲醫師之良真無敵於天下者也
 亭之意殆不在是乎然而雲之慕鯽之畜爲梁通道之
 意皆聖賢常在之理推之而皆準動之而罔不利者非
 徒挾醫自鳴者也何專以是名亭乎哉洪甫之意必曰
 人心之仁常普於萬物猶地之至春常在於四時惟仁
 不擇人而施猶春之無不擇地而固長其柯條在荆棘亦
 熙在窮谷而陽和不失在擇地而固長其柯條在荆棘亦
 養其芒刺子之無愛憎受之者無怨蓋大造之仁也
 也一有所擇則仁有間斷而春不能長矣吾非仁人也
 豈能無慊然於此亭間以是扁亦銘刻之非耳然
 又以醫傳其子曰長亦宣者以銘刻之非耳然
 斯亭之立與春同長亦宣者以銘刻之非耳然
 義交游而知善哉洪甫頗悉故擴其未發之意有如此者
 嚴子曰善哉洪甫頗悉故擴其未發之意有如此者
 度之夫子謂也請記之洪
 甫名悠深霞山其別號云

仰止亭 在永嘉學宮之北舊東山書院西宏治間知縣林廷瓏創建旋就傾圮正德辛巳憲副張公淮規復學宮舊基建東山書院又得仰止亭廢址少折而西重建是亭邑人葉式爲之記文詳金石

抱忠堂 在貞義書院內嘉靖戊子張孚敬奉敕建張氏聞知

錄

御書樓 在天官第左嘉靖壬辰建豐麗博敞戊午燬於

倭張氏聞知錄

萬竹亭 在五都瑤溪張少師建

張文忠舊第 在松臺山麓國朝周茂源過張第詩賜第松臺麓元臣主舊

永嘉縣志 卷二十一 古蹟 名勝 三十 民國二十四年補刻

優天章懸廢閣相印沒荒邱議奪千官氣身無十世謀立談工巷遇何似富民侯

寶綸樓 在松臺山麓張孚敬第前嘉靖十三年敕建中

藏御札八百七十五道詩文五十二道萬麻府志張氏聞知錄國朝

陶元藻東甌雜詠詩峨峨賜第彩雲浮爭說羅山龍未休五十二篇宮禁草蒼語銜出寶綸樓

榮恩堂 在寶綸樓後嘉靖丁酉建獻皇帝睿筆榮恩堂

三大字世宗題皇考手澤四字旁註孝子皇帝識五字

萬麻府志張氏聞知錄案聞知錄榮恩堂有二一在京師長安門西

慕恩亭 在榮恩堂後嘉靖丁酉建萬麻府志張氏聞知錄案聞知錄一在

京師榮恩堂後

制敕亭 在寶綸樓前碑七勒制敕二十一道今廢康熙府志

四召亭

在賜第西碑三勒制敕六道今廢

康熙府志

朝闕亭

在松臺山頂今廢

康熙府志

來青園

在瑤溪家廟後

張氏聞知錄

富春園

在羅峯書院側

張氏聞知錄

衆芳園

在松臺里賜第

張氏聞知錄

妝樓

在賜第西

張氏聞知錄

鶴林亭

在慈山王激讀書於此嘉靖間邑令周岱建亭

萬曆府志

揖峯亭

在回鵲山巔俯瞰甌江郡守龔秉德建

嘉靖國朝志

王達齋登揖峯亭詩重到甌江節屆秋揖峯攬勝陟高樓片帆遠影雲中見古樹遙看波上浮康樂當年稱蘊

永嘉縣志

卷二十一

古蹟名勝

三十一

藉元龍此日繼風流敲詩默會禪關妙澹泊襟懷意氣投公餘寄興海濱樓回首春明話舊游九聲傳萬慮靜三山楓落一江秋談心入穀情逾暢味道忘機意更投垂老歡場惟好友繁華無夢覓清幽

玉介園

在華蓋山麓王澈徙郡墨池建傳忠堂後為玉

介園

國朝康熙中因屯營借總兵作署

明焦竑記錢塘以南名巒

隩藪無慮數百而永嘉為最玉蒼雁蕩華蓋仙巖所在斐然乃以道書所稱太玉為十八洞天有容成丹竈故處較蒼姥諸峯華蓋為最由華蓋而下旁眺太玉西偏蔚如蒼葱沈苑袤十畝許則陽谷王使君所構園稱玉介云玉介創自嘉靖己未歷丁卯再而丁丑乃得落中問與計偕暨秉節懸車凡數更始故多樹橘已樹菊已樹松竹槐柳周垣已樹名花雜卉棋圍中凡數更樹自其家食時手關榛莪購市廬為益左隅筮仕而屬其友程君以善菊倚辦蒔藝即日出蹇帷問俗猿鶴無怨迨返初服斤人斃人圃人沼人相竭從事食指不下數什百考焉凡數易手余嘗一闕其勝則由叢槐引道西向門以入為團雲徑折而東為園故樹橘處霜

時黃繡綠櫛爽便憶長公橙橘之句顏曰最景其上畧
也中結雙檜為亭際雜時桂芷夾徑而松振衣初畧
涓然臺遙睇海入胸懷矣由臺列岫折而東斤竹池琅
比雲披炎蒸立却亭其大士前雪臨池較方蒙池小蘭
蘭館後靜室丈許奉東偏一勝會也池葺蘭折而西
鈎盤畜蒲草山可以齋此東石多聚牡善本花時附
屋凡數楹屏山茶而列羣壇嘉樹美籛巧相蔽虧為
麓春逗山人旋數武門海入古檜如虬庭名三星多
寶珠障之軒軒翬如去華蓋可二武偃而朝嵐夕靄
浸雨濛靡非軒有署曰挹華背有老槐偃垂石隕
石若太湖英德若錦川花瓏若玉蘭若海棠若垂石
川鷓鴣紫薇安石榴宛嵌玲瓏若玉蘭若海棠若垂石
與華蓋相映射右連側徑山雲莽互下襲人裾餐英
曰翠雲西偏一勝會也東籬館折而南為榜其扉
館秋菊盈把浮延玉介巒紆徑不遺穉毫而初日
為青旭樓故高周覽玉巒巒紆徑不遺穉毫而初日
從東海湧輪而出烟翠叢丹峯紺宇憑欄而眺墨池
奇也循梯下多藏書暨名畫可偃可矚欄而眺墨池

永嘉縣志

卷二十一

古蹟名勝

三十一

在焉為軒曰右軍洗硯處蓋使君自東厓翁徙墨池
坊得玉介而撮其勝從初也旁翼為寮為厓為庖厓
薪十餘楹盡而徑出團雲蒼雪復周履綦矣稍衡入
逼太玉而堂觀蔡公過而額其堂曰玉晦許夏月紅
蓮亭南為門者楹三門外鑿池匯泉可晦許夏月紅
玉華凝翠當夕泉竹演迤流光漸映玉介然已皜然
如珉如瓊如坐冰壺此玉介絕處也玉介以太玉
勝則援華蓋而坐冰壺此玉介絕處也玉介以太玉
蓋為玉介勝半嶺而華蓋既以福介宋則使君愈益
其僧謀曰自夷有靈素有寺為故饒山靈素使君愈益
而臺宇亭榭夷於林莽自寺為故饒山靈素使君愈益
我我愛玉介之意佐若侍寺為故饒山靈素使君愈益
林我愛玉介之意佐若侍寺為故饒山靈素使君愈益
矣杏靄岫窗似蛻水涿石罅曰蒙泉故再拾天者
龍口如注清泉因蛻水涿石罅曰蒙泉故再拾天者
新之者二為東甌王廟亭者二石罅曰蒙泉故再拾天者
福負華脊而俯全嘉左江右溪羣山四幣萬資福綽
繞脾一曰華乃陽淨宇背為菴者一山以勝覽左隙地
堂者一曰華乃陽淨宇背為菴者一山以勝覽左隙地

類臨江流出趾下孤剎中涌雙塔排空積霽浮瀟著眼
如擁至如雲歸鳥還僧臘初定下蒼涼不復見有闌
闌處真堪遺世稍數折華頂為亭者披一而大觀屈北則
雲氣四絕川原若迴俯指玉介蛇徑又微茫若失矣太
盈若在襟帶迫而索所為挹華最景又微茫若失矣太
史氏曰士大夫不世而大盡其用往之用之山厓水
間自逸而山與水不必與上大夫直則務為園圃多
石引水廣亭樹人耳快第人者不珠宇琳宮則虎豹窟
巧如奇章履道使君玉介面華左洞杖而過玉介而
為士大夫有乃以介也則非使君力也華蓋
仰而眊者非盡玉介也則非使君力也華蓋
與人交伸於兩仗而處乎不爭不盡使君力也華蓋
為使君有異日者再過玉介不盡其用項上之菴問
君所有者作何觀所為用而不盡其用項上之菴問
瑯琊車下侯書王叔臬温中丞見枉玉介園賦詩
司馬輶車下鹿城野人鋤徑有逢迎深杯似借蓬蒿傲
小隊誰令鷗鳥驚雨過千山瞻紫氣風迴大海作春聲
經綸宇宙須公力世路羊腸久憚行何白王季中光

永嘉縣志

卷二十一

古蹟名勝

三十三

祿玉介園紅白梅花盛開為高會紀勝詩瓊樹懸燈照
萬花間深夜醉琵琶誤疑曉霽羅浮雪海日先蒸庾
嶺霞糝徑繁英繡作茵幕天珠暗香塵儂家自有
花為幄步虛藏梓澤春東園今春較遲勒寒千
樹尚垂垂青衣欲奏風前笛愁倚胡牀未敢吹錦珠
流輝照叵羅橫斜疎影度纖阿雲霞齊布天孫錦珠
離離絳河濕絳蠟微昏紫霧沈林端空翠覆松陰紅
煙半染春雲濕絳蠟微昏紫霧沈林端空翠覆松陰紅
瑤華樹照層城醉披宮錦呼明月更向昆邱頂上行
舞滿身風露潤紅潮歷亂春星綺樹搖倒著接羅鸚鵡
差開名園萬樹寒飄霰作羣玉峯前春欲來風臺下參
開先玉介園登青旭樓望月詩郭外潮聲湧紫瀾危樓
山色迴相看雨流逸少池邊墨石護容成洞裏丹松作
龍鱗遮絕巘江分屋影入迴湍不
知滄海懸明月却訝驪珠出水寒

陽湖別墅

在城南陽奧山麓王叔臬築有冷吹樓

吳郡王世

貞記甌之山自西來沿江而下其一枝入於江斷而復
起若珠連者曰九斗山郡城据之其一枝自朱浦分亦

西行可數里為西南來者曰折而南凡東西奧二總名曰
奧之可數里為西南來者曰折而南凡東西奧二總名曰
遙南山之折而南來者曰折而南來者曰折而南來者曰
峯其高逼漢峯頂有臺曰吹臺或云其先子晉吹笙地
也亦名吹笙臺後清泉懸崖下瀕湖之宛然別墅
在焉其三垂皆山吹臺前俯臨湖溪環堂而流坐
者曰浮碧舫焉曰湛然堂軒又樓焉以當山色
其若齋卉木於庭曰青旭樓軒又樓焉以當山色
甌承之異松竹如沐曰青旭樓軒又樓焉以當山色
而西於一徑四曰宮即不其隱而讀書其甚未幾
而薦於鄉再屈南宮即不其隱而讀書其甚未幾
上碧千仞而湖下碧千畝朝暮之異態晴晦之異
暑之異姿皆悠然與公會而公亦悠然會得其流峙
潤之旨以成吾德其潛植之用以成吾材得為湖山
矣公為備兵使吾文以晉官猶治兵事之暇時
過余山園輒停盼久之晉官猶治兵事之暇時
能望子園然吾墅無待而子園有者也雖然吾子
園而無主吾時能待而子園有者也雖然吾子

永嘉縣志

卷二十一

古蹟名勝

三十四

有主也吾將歸矣其主吾墅矣余笑曰公欲歸也天子其
即歸公耶以余居廊廟而不忘江廟勝之而已矣公忭
也抑昔賢有言以居廊廟而不忘江廟勝之而已矣公忭
湖耶姑寓其所以不忘江廟勝之而已矣公忭
然悟曰善乃命貢生為之圖而屬余得山水則亦雄諸
稱名山之雄者得山水則兼會地王侯貴人足以及號集
園墅之雄者得山水則兼會地王侯貴人足以及號集
財力而苦於山水則兼會地王侯貴人足以及號集
之士樂棲焉而苦於山水則兼會地王侯貴人足以及號集
已余之治此矣地雖大易兼以是兩相羨而
能兼山水則如余地雖大易兼以是兩相羨而
為小兼水而終不余得財力都然亦易辦而其
節於吾仁每過余則輒徙倚竟暮不忍去一日忽者
而歎曰幸生永知之樂則子庶幾哉幸而待者以不
地則曰幸生永知之樂則子庶幾哉幸而待者以不
今者見子之畀而有遺憾焉謂彪貌其大與屬余
曰子姑為我記之而余乃粗述二奧之勝自來與屬余
分水而為雄瞿郭三墅之南山環折清流而為堂者一叢
之衍湖勝為三墅之南山環折清流而為堂者一叢

卉而為軒者一承初暘沐松竹而為樓者一其大較如
是而已而復設隱招先生曰先生無適而非公所待者以
此而當我量移去吾待者天然子下書歸大鎮先生先
生唯尋用移介曹生而念而茲墅以不穀墅而庇
而先生不肯出乃者有完力而從事不臺亦草創而巳
天賜不穀以不穀有求不穀不臺亦草創而巳
求之子記不穀以不穀有求不穀不臺亦草創而巳
言之陽湖之中有洲焉故有臺而無橋亦草創而巳
巒之加崇飾之名浮碧志適也而右跨石橋若渴貌而
達吾墅名曰聯璧志吾兄弟也而右跨石橋若渴貌而
峯其外刺天樹石坊焉榜之曰三楹然署之曰觀也
前後松栝柳皆合抱中門若縮帶曰紆青皆語曰
別墅志居也登之而四山之色若縮帶曰紆青皆語曰
清暉堂左閣稍東數十武而得靜室曰潛光志吾內境
也外境也閣垣竇之啟扃而呀然得荷池四畝而羸
吾折而東短垣竇之啟扃而呀然得荷池四畝而羸
秋時紅白萬柄清香襲人亭半且侵之曰暑清暉之
得方沼畝而羸百頭相响且侵之曰暑清暉之
軒而北得園五畝而羸百頭相响且侵之曰暑清暉之
聚秀水涓涓流花間可浮鴈沿圃為渠沿渠多樹桃

永嘉縣志

卷二十一

古蹟名勝

三十五

民國二十四年補刻

李曰桃李溪篔篹千挺半之得亭曰漣漪蓋清泉自樹杪
下無所不受其匯而池而沼流而渠若珪璧若磬其
皆是也至園而墅以內之事始為既出尺限湖波
左者曰迎晞右者曰含景其陽堤盡千尺佛廬負
石固之桃李芙蓉錯曰錦浪堤一嶺叢桂覆之曰金
小山而面湖曰芙蓉界菴折而北得一嶺叢桂覆之曰金
粟嶺自嶺背詰曲而上數百步曰雲峽連阜而南
最高處得喬松數百株攬其杪臺之重湖連阜而南
一曰盡曰超覽自十武轉深而古木壽簾千竿芟其
館之曰筠阿出筠數十武轉深而古木壽簾千竿芟其
綠沈坳轉而下小澗以所注得方池曰停玉沼水自
石瀨澗而西小澗以所注得方池曰停玉沼水自
虹澗度虹之西小澗以所注得方池曰停玉沼水自
不種古苔梅臺於暑快曰清涼界稍折復得一塢
多種古苔梅臺於暑快曰清涼界稍折復得一塢
之事始其復為嶺田數畝曰香墅後青塢按之可以
菟裘其東復為嶺田數畝曰香墅後青塢按之可以
宮不穀且次第傭工矣子秀兩山拱揖無待子為我
重記之以為奚若余讀而色飛左顧曹生曹生起而
曰其然唯某獲侍先生杖履一寓焉憶余曩所記以

先生嘗讀書茲墅得所謂流峙者以成其德所謂潛植者以成其材所謂風行露潤者以成其文章而後為世用今茲兼生之不用者盡歸而無出待其力不以朝夕於墅宜其兼也夫無竟待也願方寸生吞八雲夢湛然知者一芥子亦無舒之而方寸生吞八雲夢湛然之地一芥子亦無舒之而方寸生吞八雲夢湛然之望碍夫豈植此拳山勺水而已耶曹生曰始為記時當長有矣而子一先生不遽有暘湖生乃為記時有暘湖矣子料如坤請此言而質之生相與北向僅斗大事固難如請此言而質之生相與北向僅而大圖移書以告坤曰茲湖也永嘉郡所為匯之暘湖別墅山之水蜿蜒透迤於焉折以出而東注者也來諸山皆中獨有兩峰為最高且故有吹臺世東嚮環湖皆中獨有兩峰為最高且故有吹臺世傳仙人王子晉所吹笙處也余過低徊久之投詩以弔迺稍卜築於湖之滸且吹臺而構之久為別墅焉又曰墅枕湖中緣崖而出縮左若帶焉小軒湛然堂後飛泉緣崖而出縮左若帶焉小軒列名花數十百區之掬也芳茲則可擷而東為小軒

永嘉縣志

卷二十一

古蹟名勝

三十六

民國二十四年補刻

之後又東為小樓松翠然十字之徑為四曰春日夏眺以嘯者也後復仿蔣詡所開三徑故事而益之以日秋曰冬茲則又亭榭館或不能如古所稱金谷之一麗獨其席湖而營也澄波頃峭壁千尺上之可以松蘿下之可以浴雁擢歌吹前呼後扣四時之欲往佳氣襲人冰壺若鏡間按輞川之夜勝似亦必過之應如風濤怒號噴巖浴石妃撤絃千此或騷人之朝霞初吐青葱可餐若助之氣象萬千此或騷人之朝霞不能賦墨子之疑不能繪也於赤城雁宕匡廬瀟湘將或遠或近或疑或不能繪也於赤城雁宕匡廬瀟湘蘭握金者二十餘年於茲夕中明雁宕匡廬瀟湘在焉君其為我記之伏茲而覆之曰公畫之思泉石不身退也邱壑之真乎哉范蠡所乞鑑湖者歸成而榮而公卿招徠俊髦以圖治功且公自尚書郎以方共一而公卿招徠俊髦以圖治功且公自尚書郎以方共國聞日者朝且夕也公又安得訪范蠡輩相與匿景而逃

虛乎哉客曰君子處廟堂而不可無江湖之思茲固東
 方曼倩之所以避世金馬而或猶以為江脩然埃壚之表
 可也時萬麻丁丑春二月望日王叔臬張岵峽中丞
 過訪陽湖詩宇內勳猷獨擅雄中原大雅復誰工鯨波
 尊酒故人同卻海嶽全收綵筆後夜風雲繞赤虹一
 從海上問幽偏十里青山倚權公鏡裏日華搖組練空
 中靈籟雜鷗絃煙漫擬愚公谷山水原高謝客篇雞
 黍淹留成日暮少微光映斗牛躔不足三溪小匯如雲流
 吹臺倒影湖波綠上風光看不足三溪小匯如雲流
 岸草汀花還斷續壽藤老樹圍四圍奕世相承此湖飛
 平沙垂柳蔭小艇烟波縹緲圍漁磯奕世相承此湖飛
 憑虛傑構恣清賞水光山色一凭闌十里荷香還盪漿
 月節花時總稱情辟暑拉同盟華不減長春苑
 竹籟疑離嶺茶湖邊彷彿飄紅袖畫船搖曳循江渚
 明越幽裳歌白苕燕語問關綠樹中傲殺東鄰採蓮女
 一水盈盈若事宜風流更覺勝當時獨清夢蒹葭隔
 仙有吹臺君樓遙對吹臺開月明似聽鸞笙度雲白猶
 疑鶴馭來源水桃花忘晉魏輞川勝事屬王裴芙蓉池
 上尊長滿絕勝金莖露一盃高池一曲縵廊迴萬柄
 芙蓉鏡裏開遠近涵清開洞壑高池一曲縵廊迴萬柄
 片語新詩就松下涼風急管催酒未辭金谷數主人
 不畏玉山頹邢昉冷吹樓歌贈王開先城南吹臺高
 千仞崔嵬嶺峒開青冥臺上吹笙接杏靄其聲萬古猶
 泠泠冷散落諸峯頂芙蓉嶼岫舒翠屏王子築樓臺
 之側開牖遙看白雲吹聲颯沓懸崖間檻層蕙了
 不隔復有澗底泉潺湲響四壁氤氳石上松滴瀝松下
 石潺湲之聲亦可聽併覺巖泉冷几席吹者何人云子
 喬巖間細舞迴聽颿風入樓發長嘯恆令六月無炎
 歎王子霰舞迴聽颿風入樓發長嘯恆令六月無炎
 之樂無如此慎勿吹笙學爾祖高樓頭日延佇人無炎
 臺寂寞已難攀悵望煙霄心獨苦
 靜宜閣 在半山王叔臬建王叔臬記半山故人墓廬先
 氏陽甫讀書山中累寒暑十五年培滋松竹治溪上
 亭臺諸景稍稍成名區入仕以來林境荒寂廬間戒
 脩葺而諸景稍稍成名區入仕以來林境荒寂廬間戒
 茲山廬為風雨所壞山矣萬感念前緒命因舊新之事

永嘉縣志

卷二十一

古蹟名勝

三十七

民國二十四年補刻

脩復則澗溪諸蹟而谷口匯水為池環以石塘浮舟於上
視昔則創觀也越歲林木交蔭庭戶叢芳蘊率孫言
藏脩於中山予數卧問兒於山無所適於舊廬之側
闕地為軒予坐境內故厭紛惡囂而屏跡絕俗山
靜之說二有外境寂內樂外境也黜去蔽而滌慮澄
源虛明順應外復吾純白之境內也釋氏之禪定一
境靜以神先而遺內將馳於內擾如外境之禪定一
念不持或恍然而不知歸先苦而兼將形神之俱
忘雖應煩囂而不為溷雖身勤而樂山其理壽葛武
為學蓋明此也孔子論仁曰靜而思寤其壽諸葛武
侯論學曰非靜無以成山仁老而思寤其壽諸葛武
靜以長年而孫子輩方樂羣脩業期以
致遠靜之說尤不可不講也為記

芳洲 在城南三十里仙垺黃嶼洲袁遷所居

明唐順之記介乎永

嘉左右者若天台雁蕩之怪巧瓌麗甲天下其間嘉卉
美木翫然雜植雖博物者亦半不識其名故自古好
游之士輒以永嘉山水物產為第一宗喬以為是非吾
好之所存也吾獨好橘於是種橘數十本於是洲上游

永嘉縣志

卷二十一

古蹟名勝

三十八

民國二十四年補刻

而樂焉因以為號曰橘洲主人又曰芳洲主人視其意
蓋極世間山水間請記於予予樂而不訝其迂且僻而笑
莫如吾橘也而宗喬可謂自足其樂而鍾則不必其夫
之既而嘆曰宗喬可謂自足其樂而鍾則不必其夫
趣有所適則不必其地之勝其意有所鍾則不必其夫
之珍嘗試觀於草木之生雖奇異而樹藝壅灌之
如物或絕遠生在海外苟以人為力移之而燥濕之
亦隨變矣徙而橘也南國是然獨異乎是蓋一昔騷
受命不徙而橘也南國是然獨異乎是蓋一昔騷
人彙萃天下之香草木以況其幽馨豈窈窕之思然皆
未有特為之頌者其於橘也特為之頌豈窈窕之思然皆
假物以發興也哉取其臭味之雅慕有喬焉耳宗喬少業
儒然而以醫自進其志行耿介又思窺其貌蓋未嘗以
翩然有迫隘其世之舉遠遊寄於橘始亦嘗有
食之故乎變其山澤之臞也其自思窺其貌蓋未嘗有
人之意乎變其山澤之臞也其自思窺其貌蓋未嘗有
故鄰太余愧無橘也余將買山迂於橘庭於俗余家
老焉清秋霜落搔首而歌楚頌欲以空招喬其許我乎
否也張純賦夫何與世兮不諧抱空志以愀愀拂長

劍而靡點兮姑道遙於芳洲而鳴悠兮虛泛水如綠麥青
柔花盈疇凌翠靄而極目查徒步問道於徐徐盤
青其藤亂而網聽而流鶯以徒淨圍綠竹猗猗圭門
人其在是即茅屋於高邱疎籬呼主人歡迎琴而歌
戶搖曳碧波山雀噪室白鶴長呼主人歡迎琴而歌
曰大椿客曰無志慮長於百夫須我兮範奚厭
兮丸魄與草木而為徒以嵯峨流泉瀉於千泛巨艘以
連柯參杞鬱其爭茂肉白骨而起痾彼無知之有濟天
生我兮維何揖重瞳而獻壁熙吾民兮咸和造芬華於
枯槁豈擷芬兮山阿聊翩翩以寄傲返余駕兮帝都願
與子而偕行慎遐心之弗過主人佛佛而色作曰溝澮
不行晝夜冷高山永古不震以驚象服鷓冠乃勞厥
形釣遊耕鑿眉壽太逢彼稷契繆於崆峒娟娟王
與天地終吁嗟後兮識而淵明幽人兮糶芳洲白橘
蓮而就穢今而後兮識而淵明幽人兮糶芳洲白橘
青牛飄風南兮綵舟采芙蓉兮休休鞠黃花兮橘綠酌
旨酒兮思柔夢羅浮兮驂白鹿冬復春兮草生道周蟲

永嘉縣志

卷二十一

古蹟名勝

三十九

民國二十四年補刻

臂鼠肝兮天於我乎何讐我於世兮夫何求鷄與居兮
穀食抱擁腫兮千秋遂閉戶而謝客策藜杖於吾洲

襟江亭

在江北永甯山上

萬甯府志

鎮甯樓

在拱辰門外萬甯丁酉郡守劉芳譽以城臨永

甯江建樓以鎮之

萬甯府志

浩然樓

在孤嶼文丞相祠前萬甯庚辰巡道吳自新郡

丞劉正亨建取文公正氣歌所稱浩然之目或云孟襄

陽嘗游此故名非也乾隆癸巳邑紳曾唯移建於祠前

左側甲寅巡道秦瀛以前賢名不宜名樓改稱孟樓

萬甯府志

府志孤嶼志

光緒元年知府裕彰重脩復舊名

明陳公相詩芙蓉別嶼見

真天百折狂瀾夾地旋砥柱江心流不轉樓開鼇背日
孤懸澄波月色移雙塔破曉鐘聲隔萬烟坐此猶如舟

不繫天空闊任魚鳶
樓環擁大江流聯翮共下王喬烏汗漫同登李郭舟初
地招尋稱吏隱清時嘯傲羨仙游泠然濯魄水壺裏徙
倚何妨信宿留石潤潮痕落日收江郭秋水長歌倒綠樽
虛樓含屨氣危石潤潮痕落日收江郭秋水長歌倒綠樽
桑何足問一醉任乾坤何白秋日同郝大令包學憲
集孤嶼浩然樓詩島嶼煙濤入素秋琴尊勝日一登樓
雲扶塔影雙杯轉天動倚杖楞伽石阜叢菊再逢陶令醉
名山仍接謝公游不辭倚杖楞伽石阜叢菊再逢陶令醉
歷覽敢希謝康樂標題浩漫借孟襄陽江山如此清輝在
人物當年逝水忙誰識浩然留正氣西偏丞相祠堂
淡齋在城西南隅明頂維聰建之頂維聰自序僕家甌城
折入於綺水是城中水瀦處頗類西湖一曲又西為虹
橋長堤縹緲映帶雉堞城外諸山曰西山即康樂詩步
出城西門遙望城西岑者是也山相去五里許而蒼翠
接於眉睫旦夕望之真如屋裏矣後有樓登之則遠
近四山皆出近山如華蓋海壇郭公諸勝狀如斗
名九斗城茲樓旁觀九斗環列遠山如笙臺大羅掛綵
孤嶼綿互森聳遠以長江匯以大海澹蕩煙雲吞吐日
月樓亦收焉樓東數武即淡齋也齋可五楹不施丹堊
呈材之木露形之牆取具而已殷彝周鼎秦篆漢制不
度於堂上奇石美木珍禽怪獸不列於庭中惟聚書數
千卷木榻一茗椀香爐瓦甌蔬菜江彈琴賦詩以樂其志
聞絲竹同志則市村醪園蔬烹魚以享之耳不願
蓋吳越好事者曾不當其醉陶然僕以爲集一爲常
夫滾滾馬頭塵陳陳廩中粟徒敗人得意而清福上帝所
靳卽此眼前尚難消受夙興夜寐何得不自約束而浪
然爲天地
長物也

永嘉縣志

卷二十一

古蹟名勝

四十

民國二十四年補刻

太玉樓

在華蓋山麓王昭文建道光甲午燬於火

聞見

錄李維楨記華蓋山在永嘉城中道書所名容成太
玉之天也王氏永嘉冠族少參公始治第山麓之左以
傳其子觀察大參兩公則觀察左而大參右觀察三公
子伯爲郡丞拜國相謝不受命以恩詔進朝列大夫仲
叔皆光祿而郡丞有以四子伯昭昭文昭爲諸生高第兩光祿
復各有子可十人則以左昇昭昭文昭爲諸生高第兩光祿

名之曰太玉而介其所親方子謙俾余為之記蓋方士
家若公孫卿輩言神仙好樓居漢是以有飛廉桂觀如
釐集靈祈年延壽神明嘉濱東海蓬萊三山金銀宮闕
或見之昭文所居故稱洞天無亦有三仙乎憑虛御風
之想耶而昭文之意非然也古者無五等封建公卿大夫
士庶人田宅授受皆官主之不能盡賢則公卿大夫分
亦與士庶等子孫多食指繁不盡以屢世同居為盛
異教化廢風俗常法亦未可以盡罪而今古不有盛
事然此未可為常法亦未可以盡罪而今古不有盛
尋曠林之戈詠闌牆而賦如角弓者乎余竊以今古不
猶昔之封建要約束人如田有畔室有垣布帛有幅
各止其所而相覲私其子吳季承家傳之久遠法無
便於此者宋宣公不私其子吳季承家傳之久遠法無
胡氏猶多求焉曰君子或一居也為昭文之叔父者
豈不義而二子言之是或一居也為昭文之叔父者
欣然而授之若曰是吾弟之猶子也禮而進之者世
世承祧者也又若曰是吾弟之猶子也禮而進之者世
也為昭文者欲然而有若曰是吾弟之猶子也禮而進之者世
大人之貴介愛弟也而不自有而以畀者也父之寵子也
大王家大人居此焉不穀不足以嗣而受者不以私惠歸

永嘉縣志

卷二十一

古蹟名勝

四十一

父家大人居此焉不穀不足以嗣而受者不以私惠歸
讓之實而辭讓之名授者不任德而力爭之私惠歸
德率是道也天下亦安往而有競焉余聞孝弟之至
長久之術以方三代盛時何尚焉余聞孝弟之至
於神明故有分荆合行葦敦連理交讓同巢共乳草木
鳥獸大順咸若其為吉祥事詎在仙樓居也
十二瀨鄉之九柱江漢之黃鶴皆仙樓明禮讓之風
存何關人事未若茲樓可以訓弟之義明禮讓之風
雖有仙跡存而不論矣為記以詔子弟百世本支而
併為適子券且以風天下為記以詔子弟百世本支而
集王昭文太玉樓詩樓俯城陰紫氛桂尊清賞洽蘭
薰曲池天倒華峯樹古洞霞蒸碧海雲丹壑空青傳鳳
嘯晴意殘墨辨鸞羣好奇况對南州士定有雙龍犯斗
文又太玉樓詩為王笙臺賦夫君緜山系吹笙諧鳳
鳴杓五學冲舉翮翮鶴上征樓倚霄漢飛甍外庭清
星杓五學冲舉翮翮鶴上征樓倚霄漢飛甍外庭清
壺接琳館大羅連玉京松寒五鬣古芝繁三秀榮砂泉
濯金蕊寶露滋瑤英龍鳥大洞書赤文襲丹瑤煥爛虛
元氣紫戶祕元精幽寥存玉兆嶠浮東瀛髮鬚我來屬
景天地涵虛明淥烟汎華蓋靈嶠浮東瀛髮鬚我來屬

雲君紛來迎滅沒八景輿娜三
素旌試讀太上篇翻作昇天行

山雨閣 在渚浦何白讀書處

何白詩有滄興崇岡
轉淒薄微雨自遠集祁陰

度江郭密翠結重林寒涼
菌閣猗蘭冒綠蕤天桃破丹萼疎麻時未華新篁始苞

籊常恐鷓鴣鳴涼風振飛翬好時不存喟焉念離索
悲來命尊酒持觴望寥廓夙化徵在今履往慨如昨

又元日叔定季輿攜諸孫過飲山雨閣詩柏葉椒花自
華門暉暉林木靜初噉遠山戴雪橫青閣晴靄薰梅照

淥尊開徑竹中來二仲分甘花底及諸孫也知黃綺初
偕隱始信朱陳別有村鄭汝璧訪何山人无咎山雨

閣留贈詩落落乾坤幾布衣
鹿閒滄海人識長庚入少微
草閣夏寒孤榻下墨池春

媛五花飛相過不是華
陽侶元塵翩翻盡日揮

瑞景樓 紅萼樓 府署有瑞景樓又有紅萼樓樓前紅

梅一蒼枝古幹數百年物
抱月園詩注 案此舊府署即今之城守營署也

永嘉縣志

卷二十一

古蹟名勝

四十二

臺盤閣 在大羅山臥龍潭

萬麻府志

觴咏亭 在半山

萬麻府志

魁象亭 在巽吉山

萬麻府志

中山亭 在府治

乾隆府志

知府李琬有重建中山亭記

按中山在

鹿城書院側志稱一郡主山而府署
後亭亦以中山得名未知創於何時

同治甲戌知府裕

彰重建

古樟 在飛霞洞前託根崖石橫臥千尺擎臂空中濃陰

畝許或云唐時物人稱為臥樹上建臥樹樓

國朝李鑾宣飛霞觀

臥樹詩 豫州樹大石罅微老幹出罅神龍飛耽耽樓閣
壓不住攫空天矯鱗髯肥天公有意弄奇詭樹耶龍耶

知者稀豈是劉根親手種千年仙去猿鶴飢不然根盤
節錯等閒事何以倒懸橫臥怒裂石罅穿雲扉我來留

雲亭上坐茶煙竹籟搖地煙霏輿酣飄出塵表鼓動細
 枝青十圍高排天閭下地軸白雲如海風吹衣步虛偶
 弄白玉瑄脫轡不受紅韉大呼一聲騎之松一見游
 徧滄溟歸宋士彥詩昔陟戒壇寺臥龍之壁半空
 今游飛霞洞臥樹之樓乃奇仙人何年種石壁迺爾
 挺出輪囷姿傳聞此地昔日著靈怪青牛罔兩毋迺
 所爲空山偃仰千載樵蘇匠斧了不知樓頭百尺足
 高臥下視萬木真卑豫章之材古所重往溜雨存
 其皮此木或是謝公植秦棠遺愛留今茲世間萬物各
 賦命老壽豈可常理期秦松久聞稱位號孔檜僅得延
 旁支海風颯忽晚潮響相逢我亦津梁疲摩挲礪硤三
 歎息巖樓尚有至和碑梁章鉅詩又作飛霞古洞游
 重看大樹閱千秋仙株豈果劉根種美蔭眞從謝客留
 似覺山樓遮不住莫教地軸隘難收也應回首邱山重
 若更橫行
 那得休

顧公洞

在茶山五美園後明末顧尚書錫疇樓隱處

詳金

石

坊表

古人表厥宅里樹之風聲可法可傳政教攸繫甌自祥符圖經載坊五十有七楊蟠守郡定爲三十六坊後百餘年沈史二守或復或增具詳戴栩所爲記誠哉彪布森列名立義從者矣今廛存者百一而景山儒志坊郡志闕如舊志亦不能舉其地爰博稽舊牒於故蹟之隲陲三致意焉區爲五類曰衙署曰恩榮曰孝義曰節烈曰坊巷蓋皆古者表宅樹聲之遺意云爾

衙署

振綱肅紀 激濁揚清 在舊都察院前

永嘉縣志

卷二十一

古蹟 坊表

四十四

肅察 貞度 在舊察院前

振揚 在舊按察司東

屏翰 在舊布政司西

親民 養士 在縣治前萬厓中改名節用愛人後又名

平政親民 國朝康熙間邑令鄭廷俊重建

興賢 登仕 登瀛 在府學前登瀛本名明倫宋端平

中守史彌忒復舊名

賓賢 擢秀 儒林 在縣學前

宣威 振武 在衛署前

海濱鄒魯附 在鹿城書院 東甌元氣附 在永豐橋

恩榮

狀元 在拱辰門內爲宋王十朋趙建大木待問徐儼夫

周坦立萬厯二年按巡蕭廩重建特標王十朋名

都憲 爲李顯立

世進士 爲徐彥遠徐鵬徐安行徐鑰立

賓薦 爲舉人項壇張霖王德金翮立

掖垣補袞 爲陳堯言立

文宗 爲張天麟立

盡忠 爲都指揮劉錦立

少保 爲大學士黃淮立

永嘉縣志

卷二十一

古蹟坊表

四十五

進士 爲翁家春立

少司寇 爲侍郎陳璋立

進士 爲金昭立

尙書 爲高友璣立

寵膺三錫 爲周尙文立

彰賢 爲參政項喬立

世美 爲進士葉宗葉錫舉人葉尹賢立

玉殿傳臚 爲周應期立

進士 豸繡 俱爲孫昭立

進士 爲項應譽立

叢桂 爲舉人金昭朱體信馮瀚立

經元 爲王激王燾立

六英 爲舉人張鳴鸞朱廷謐朱玉楊芳春侯化邦鄭守

益立

奎文 爲舉人劉杲立

三俊 爲舉人林宗教陳一貞王應時立

棣萼重芳 爲參議王澈祭酒王激副使王叔果參政王

叔杲立

文宗 爲王維夔立

貽恩 爲封中書趙諫立

永嘉縣志

卷二十一

古蹟坊表

四十六

躋雲 爲舉人趙詵立

兵垣司諫 爲給事中王良心立

世司馬 爲王澈王叔果王叔杲立

篤忠 爲尙書章綸立

三忠 爲東湖樵夫侍郎卓敬尙書章綸立

左掖諫臣 爲都給事中李維樾立

聚奎 爲舉人王諍王叔果高旻孫昭黃一鵬立

聚英 爲舉人任秀卿陳懋策梅廷哲張大受陳典學吳

寶秀張陽春立

大理 爲評事金雲鴻立

雲路聯翔 爲舉人王光哲柳時新吳彥匡立

講幄論思 青宮啟沃 俱爲編修林增志立

冬官大夫 爲郎中王健立

進士 爲葉承遇何懋官立

忠良貞一 爲大學士張孚敬立

柱史 大中丞 俱爲僉都御史王諍立

甲第 爲進士李階立

大銀臺 少京兆 俱爲通政使周令立 已上俱在拱

辰門內直至瑞安門內大街

登仕 爲舉人陳鐸立

永嘉縣志

卷二十一

古蹟坊表

四十七

祭酒 尙書 俱爲王瓚立

侍臣 爲王翰立

解元 爲陳聳立

世英 爲舉人劉濬立

外臺 內翰 俱爲僉事李瑾立 已上在五馬坊橫街

集賢 爲舉人劉定立

榜眼 爲王瓚立 已上俱在譙樓前直街

兄弟進士 爲王叔果王叔杲立

進士 爲陳定之立

熙朝人瑞 爲百歲項靖項懷父子戴天倫陳淮王偉立

進士 爲王激徐廷傑趙廷松陳亶立

彩鳳聯飛 爲舉人黃仁周感立

甲科高第 原會魁爲葉式立後燬巡按龐尙鵬重建改
今名附鄉賢挺貢士魁聰程準慶運七人

父子會魁 爲王瓚王健立

學士 爲張孚敬立

三鳳鳴陽 爲進士王健侯一元王德立 已上俱在府
前直街

毓英 爲舉人陸昇立在永寧門內

元輔 東西
二座

孤忠 賚賢 柱國 俱爲大學士張孚敬

永嘉縣志

卷二十一

古蹟
坊表

四十八

立

賢孝 爲中書舍人張遜志立

篤慶 爲尙寶司丞贈員外張遜業立

秋曹贊法 爲張汝紀立 已上俱在松臺山麓

狀元 爲周旋立

凌雲 爲劉安節劉安上立

兩朝柱史 爲婁寅亮婁濬立

昂霄 爲學正黃祿立

青雲 爲監丞李廣立

步蟾 爲舉人金敦立 已上俱在新河街

畫錦 爲御史嚴愷立

觀光 爲舉人葉翀立 已上俱在永清門內

積慶傳芳 爲封通政王鉦子澈孫叔果叔杲曾孫光蘊
立在墨池坊

大納言 大司成 俱爲王激立在鎮海門內

太師 爲張孚敬立在拱辰門外

豸繡 爲鄭道盜立在鎮海門外

仙桂 爲舉人鄭道順立在瑞安門外

兩京祭酒 爲王瓚立

星賢 爲舉人陳啟立俱在二都

永嘉縣志

卷二十一

古蹟坊表

四十九

三代恩光 爲贈少師張轉寶張敏張昇立在五都黃奧

世顯 爲贈員外張珂郎中張純舉人張鳴鸞立

亞魁 爲李階立俱在三都

黃閣元輔 青宮太師 恩光 文煥 俱爲大學士張

孚敬立在五都姚溪

海山鍾秀 爲永嘉場仕宦立在五都

明經 爲舉人戴時雨立在十都

仙桂 爲舉人李悅立在二十都

會英 爲舉人徐安行徐鑰立在二十七都

鍾秀 爲舉人朱腆立在四十一都

應奎 爲舉人陳本方立在四十六都茅山

登俊 爲舉人謝暹立在五十都鶴陽

寶薦 爲嘉靖丁酉科舉人項壇立在十二都茶山

七葉衍祥 爲九十五歲壽民嚴士攀立在十五都梅嶼

樂善好施 爲試用訓導陳遇春立在新河街珠冠巷

昇平人瑞 一在十二都茶山爲 國朝百齡 恩榜進

士 欽賜翰林院編修吳宗元立 一在十五都深橋

爲 國朝百四齡 欽賜六品謝欽誥立

孝義

孝門 爲宋陳侃立

永嘉縣志

卷二十一

古蹟 坊表

五十

旌義門 一在百里坊東爲葉承祖立 一在五馬街爲

王漢彬立 一在前街爲朱瑚立 一在二都爲王秉

彝立 一在十一都仙洋爲百歲項懷卿立 一在十

三都鵝湖里爲何寬何瀚立 一在三十四都羅浮爲

林振堡立 一在三十五都東岸爲陳璋立 一在三

十五都羅溪爲呂斌立

節孝貞烈

旌節門 一在府學巷爲王守中名成孫妻劉氏立 一在

府學巷爲邵理妻項氏立 一在十二都爲徐惟東妻

陳氏立 一在十七都爲潘榮妻林氏立 一爲潘洪

瑤妻陳氏立 一爲潘洪祿妻邵氏立 一爲王順童妻黃氏立 一爲顏師孔妻陳氏立

節烈 一在揚名坊爲方日昇妻林氏立 一爲林宗直妻陳氏立

貞孝 一在拱辰門外海壇山麓爲生員胡崇一妻陳氏立 一在五都丁家奧爲吳聖如聘妻戴氏立 一在十都六里壇後爲樂邑庠生趙墳聘妻倪氏立

貞女 一在壬子巷爲楊芳椒聘室倪氏立 一在十一都園底爲高魯濱聘室林氏立 一在十二都茶山爲監生王廷綸聘室葉氏立

永嘉縣志

卷二十一

古蹟 坊表

五十一

貞節 一在來福門內爲陳良謨妻林氏立 一在三牌坊巷口爲張亦介妻諸氏立 一在來福門內爲瑞安生員杜廷揚妻朱氏立 一在三都爲張季霖妻朱氏立 一在十都爲吳佳繡妻葉氏立 一在十三都白塔爲王周祚妻謝氏立 一在十四都爲陳信楷妻戴氏立 一在郭溪三台峯爲王成均妻林氏立 一在十七都爲邵鑿妻葉氏立 一在十九都爲吳應恂妻張氏立 一在高盈里西爲繆元濬妻江氏立 一在十都六里壇後爲曾錫泮聘室焦氏立

清標彤管 在棣華坊老三元宮西爲 贈武信佐郎王

鵬化妻鄭氏立

節孝 一在簡訟里爲尤寶銓妻陳氏立 一在保安橋

爲候選同知曾儒程妾林氏立 一在四都爲生員林

乙妻王氏立 一爲林伯桂妻吳氏立 一在十二都

茶山爲諸朝瑞妻蘇氏立 一在十都里六壇後河邊爲

監生楊殿錦妻王氏立 一在招賢巷底爲城鄉節孝

總建之坊 一在十一都西洋底爲胡承德妻周氏立

一在放生池爲監生吳泰妻項氏立 一在廣化廂

玉環廟邊爲王嘉謨妻胡氏立 一在十五都暘奧爲

吳子選妻鄭氏立 一在十四都白泉嶺下爲滕兆淦

永嘉縣志

卷二十一

古蹟 坊表

五十二

妻王氏立 一在十都六里壇後爲監生林永祚妻周

氏立 一在九山第一爲谷鍾壽妻朱氏立 一在十

一都爲王天璋妻葉氏立 一在菰溪爲儒童王欽亮妻葉氏立

一在十三都霞坊爲葉維宰妻梅氏立 一在十三

都爲登仕郎張在柎妻項氏立 一在大高橋下爲儒

童徐振楠妻陳氏立 一在十九都梅嶼爲貢生魯

岡繼室林氏立 一在十都吳田雙慶橋邊爲趙丕承

妻朱氏立 一在十都壇後爲楊映輝妻王氏立 一

在十都壇後爲方肇奎妻張氏立 一在十都壇後爲

奉直大夫郡庠生徐學禮妻林氏立

坊巷

譙樓前街直至五馬橫街

仁美坊 宋待制陳謙居此

五馬坊 見名勝

惠安坊 在五馬街 已上俱街東

雙桂坊 宋王公彥公輔居此

壽安坊 宋尚書張闡壽考子叔椿尚書辭祿養親故名

已上俱街西

瑞安門直至拱辰門大街

千廂坊 在南城下

永嘉縣志

卷二十一

古蹟 坊巷

五十三

開通坊

舊志未詳所在

謝池坊 在謝池巷又名雲衢巷

習禮坊 在開元寺巷習儀在開元寺故名

儒志坊 在開元寺巷尚善橋南宋郡守楊蟠為王開祖

立

案萬麻府志尚善橋在開元寺巷中橋南當即今府學後圃則儒志坊塙在府學巷舊志佚府志亦失考

玄妙坊 在開元寺西

舊志佚

興文坊

井有 在鐵井闌

道愛坊 在東南隅即今縣治前

舊志誤作遺愛

德政坊 在縣後巷

招賢坊 宋周侃居此真宗召之不起故名

墨池坊 見名勝

竹馬坊 見名勝

康樂坊 并有二 在瓦市殿巷西

簡訟坊 并有 在簡巷

禮賢坊 宋葉右丞居此

永寧坊 并有二 在永寧殿巷

問政坊 并有 在漆坊巷

奉恩坊 在打繩巷 已上俱街東

明經坊 在南城下宋戴溪居此

孝睦坊 在第一橋宋戴述與弟迅居此

永嘉縣志

卷二十一

古蹟坊巷

榮親坊 在通道橋

元豐坊 在元豐橋

華蓋坊 在打鑼橋又名陡門橋

棠陰坊 在賣糖橋

中和坊 在河魚橋

百里坊 在滄河巷北

平市坊 在萬歲埭頭

土窰坊 在攬團橋

拱辰坊 在屯前 已上在街西

永寧門直至安豐橋

歸仁坊 在大九曲巷

登選坊 在小九曲巷為曾氤立 已上在街東

梯雲坊 為薛強立立

達尊坊 為薛叔似八袞立

孝美坊 在薛家巷中

敬亭坊 在板橋巷

西壽安坊 在施水寮巷 已上在街西

安豐橋西大街至松臺山前

安豐坊 在四顧橋

甘泉坊 并有 在大賚橋 已上在街中

永嘉縣志

卷二十一

古蹟 坊巷

五十五

龍首湖坊 大學士張孚敬立

雁池坊 在乘涼橋

雅俗坊 在油車巷

雅俗後坊 在船枋巷 已上在街南

順德坊 在淨居寺衚衕 已上在街北

來福門內新河大街至八字橋

安仁坊 在商量巷

遺愛坊 在岑山寺巷

安寧坊 在岑山後巷

清政坊 在木杓巷

正烈坊 爲忠節金德立

衆妙坊 在甜酒巷

冰壺坊 在府前

宣風坊 在火爐巷

清河坊 在府城隍廟巷

揚名坊 在周家巷

純和坊 宋劉處士居此在翥鵬巷

嘉會坊 范統制居此在嘉會里巷

玉瑞坊 在金鑿石巷

孝廉坊 在幞頭河宋仰忻居此在黃府巷

永嘉縣志

卷二十一

古蹟坊巷

五十六

興善坊 在丁字橋

圓通坊 在劉宅巷

棣華坊 在導俗巷宋林季仲劉安節居此子孫相繼登

科故名

安平坊 在晏稔神巷

仁壽坊 在廂巷宋景定初爲方來翁永年立 已上在

街東

壽寧坊 并有 在寶綸樓前街

浣紗坊 在普覺巷以晉浣紗孝女故名端平中史守易

名鼎桂

祈報坊 在社壇巷

淵源坊 在書堂巷以內有永嘉書院故名

勸農坊 在里瑞巷萬麻府志作李樹巷

望稼坊 在里瑞巷內

仁濟坊 在蛟翔巷

吉土坊 爲進士劉安定立

蜃川坊 在西洋

豸冠坊 宋御史陳夔居此

樂湖坊 在雙橋

正平坊 在陳彈壓巷

永嘉縣志

卷二十一

古蹟坊巷

五十七

慶善坊 在石板巷宋尚書蔡幼學居此

愛景坊 在小丁字橋巷

崇壽坊 在八楓丹巷

慶年坊 在鮑提舉巷

勸忠坊 在鮑提舉巷爲徐瑄立

畫錦坊 在朱官巷

文英坊 爲王瑞立湯志未詳所在

順濟坊 舊有順濟廟故名 已上在街西

百里坊街至迎恩門

太平坊 在賣糖巷

通濟坊 在大虹橋

梯雲坊 在梯雲巷

德新坊 爲信國公湯和開河立

嘉慶坊 在龍王寺塔院前

豐和坊 在毛家橋巷底

佑善坊 在水渡橋巷

興仁坊 在油車巷

滙津坊 在迎恩門內 已上在街南

世美坊 在小米巷

奉和坊 在石墻巷

永嘉縣志

卷二十一

古蹟坊巷

五十八

悟眞坊 在陳天雷巷

林亭坊 并有 在鮮魚巷

信義坊 在機學巷

廣惠坊 廣慈坊 在龍王寺前巷 已上在街北

拱辰門內西街至舊定安門轉至龍首橋

集善坊 并有 在舊務巷

友愛坊 在針巷

永平坊 在倉後巷

寶珠坊 并有 在殿邊巷

喫酒坊 在麻行巷

井蓮坊 已上在街南

朝京坊 臨津坊 在永清門內

積貨坊 在象門內 已上在街北

興文坊 在上安橋宋葉味道居此

聯桂坊 在中央巷 已上在街西

容城坊 儒英坊 襲慶坊 遺忠坊 從善坊 袞繡

坊 崇仁坊 已上俱見戴栩重建三十六坊記畫記日分

標表術術此政也而有教焉何謂教示以好惡而著之
風聲興其視聽而納之軌物斯為教矣古者閭必有門
孝友睦婣任恤有學昕出夕入實具而名未立也唐人
以在市為坊坊門縱閉水沴襪焉然則唐之坊古之閭
也其後植以雙木結屋覆之門不設而揭扁於上為美
名以誌名者教之所自出也詎容漫漶而就湮摧圯而

永嘉縣志

卷二十一

古蹟坊巷

五十九

終廢哉永嘉州郭延袤十八里較諸藩會府雖不及
眠列城則過之兼藝能大畧有以辨識足矣祥符而
寺觀目姓弗計也後乃文蟠定為三十六坊置均
坊五十七紹聖間楊侯趣故其勝地則容城雁
架締堅密名義從各善政則池馬是已否則政
池甘泉百里是康樂五馬謝池墨池是已否則政
已挹其風流則康樂五馬謝池墨池是已否則政
儒英掖導以世美梯雲雙桂儒志棣華與夫揚名襲慶
繡衣畫錦云者彪布森列可景可效而最切於防範
家警戶省則孝廉孝睦之號遺愛之目或旌以招
賢從善或蘄以簡訟平市義利明倫類彰取舍審而
操嚮正有不說之教焉獨慨夫風之剝泐又火之蕩
燬百二餘年而沈守樞更建如侯之舊又五十年
而煥章少卿史公實來其規逾於沈矣觀其博棟
竦楹翼以礎飛棖延被之藻彤阡陌思焉博棟
眉目之在人礎飛棖延被之藻彤阡陌思焉博棟
知所以自懋哉紹其續增者曰寔狀元報和復
其續廢者曰崇仁榮親又永寔曰寔狀元報和復
都會撤而新之還明倫曰登瀛易浣紗日鼎桂總四郡

而仍舊稱以楊侯重也初楊侯既名其坊又什以詠之
日三十六坊月一般今夜圓至今稚髻弱變交口誦道
豈非以其人蘊藉而平易近民之效哉今煥卿公以銳
志恢永圖以餘力輯小務凡城郭途路役之至難者既
以燦然畢就其於區坊瑣瑣若不足為公紀而郡人請
伐石以侈之蓋公不獨優於治辦而其禮賢下士有足
多者鄉飲釋菜日與諸生周旋揖遜士至歌而頌之如
魯泮然公於教思無窮之義其必有得於政理之外矣

郭附 望京廂

望京坊 在鎮海門外

城南廂

廣利坊 在車橋

千秋坊 在虞師巷

普安坊 在南禪橋

永嘉縣志

卷二十一

古蹟坊巷

六十

永安坊 在蔣家巷

安政坊 在黃庫衙

忠義坊 張忠惠侯廟在此故名

湖嶼坊 錦春坊 泰和坊 永興坊 俱見舊志

相儒坊 宋樞密林畧丞相陳宜中居此

瑞蓮坊 在雙蓮橋

集雲廂

湖山坊 在法明寺前

西山坊 在淨社寺前

廣化廂

繡衣坊 宋御史鮑軻居此

森桂坊 宋陳埴兄弟三人登科居此

書紳坊 宋徐霆居此

冢墓

壁經有封墓之文柳下季壟禁樵採焉昔賢體魄所藏誠重之哉方志之詳冢墓自常璩華陽國志始

國朝防護先哲遺塋更隆往代命守土官歲終具報一抔之士敢或忽諸甌自騶搖開國厥冢有五傳疑傳信載在簡編而宋明以來名儒顯宦尤指不勝屈前志尚多遺漏博稽往籍而亟登之庶不與野馬塵埃同歸漸盡流連慨慕其亦有趙文叔譽之思也夫

漢

東甌王墓

明一統志在府城西五里甌浦歧海璣譚紹

永嘉縣志

卷二十一

古蹟 冢墓

六十二

定舊編云東甌王冢五處太平寺前謝婆埭陽有兩冢

西山吳平山有兩冢與甌浦之冢凡五

按紹定舊編當即永寧編吳平

山在孝義鄉國朝林齊鉉詩步出鹿西城疊嶂相連峙禾黍離秋風蒼莽翔雄雉白楊跨斷橋欵乃冷烟水翹首望孤墳纍然蔓草裏興言詢野老云是帝王子裂封東甌王厥名曰搖姒越王騶姓孫七世延宗祀當時誓帶礪爵圭錫弓矢助師誅嬴秦歸義鋤項氏績偉著百粵七閩澤福祉人生竟何常古今同歸死所存惟功勲足以掛人齒

唐

宗室李集墓

舊志在茶山集避亂居永嘉卒葬於此

麻厲

府志作

李王墓

宿覺禪師墓

在松臺山李邕撰神道碑元和中郡守杜

賁爲營塔名淨光

按北海卒于天寶間不當紀元和問事此疑有誤北海集亦無此文

吳越

錢令公墓

萬麻府志

失名

在西山紫芝峯

按吳越錢氏宋以前刺温者凡

十人晉天福五年温州刺史錢宏僎卒於任墓疑卽此人而郡志佚其名惟宏僎未兼中書令似不得稱令公

宋

知温州金陵劉起墓

王開祖撰墓誌葬於建牙鄉丁么

村之北山

處士戴惟嶽墓

王開祖撰墓誌葬於建牙鄉雄溪之原

經行先生祖丁世元墓

周行己撰墓誌葬君子郡之西

山法濟院之北原

永嘉縣志

卷二十一

古蹟冢墓

六十二

何子平墓

周行己撰墓誌葬於州城之西南吹臺鄉斷

塘里

葉芳墓

周行己撰墓誌葬于其居會昌湖

經行先生丁昌期并妻蔣夫人墓

許景衡撰蔣氏墓誌

丁先生墓在郡東南大羅山之西原夫人蔣氏祔焉

傳詳

儒林

臨江軍軍學教授戴述墓

周行己撰墓誌葬於郡之西

山太夫人墓之次

傳詳儒林

會稽尉宋之珍墓

劉安節撰墓誌葬於郡西寶塘原實

從母夫人兆

傳詳介節

瑞安許忠簡公妻陳夫人墓 許景衡撰陳孺人述葬于

永嘉西山瑞鹿寺之西原

蔣稟墓 許景衡撰墓誌葬于所居瞿溪之原

處士劉孺墓 周行已撰墓銘葬于其居章奧山

王之瑜妻毛氏墓 周行已撰墓誌葬於其居大羅山天

柱峯之麓 傳詳名媛

隱士瑞安許景亮墓 周行已撰墓誌葬於郡之西山瑞

鹿寺之西原

左史劉安節墓 許景衡撰墓誌葬於仙桂鄉之外彎山

傳詳儒林

永嘉縣志

卷二十一

古蹟冢墓

六十四

贈光祿大夫薛強立墓 萬厓府志在華蓋山南 傳詳宦績

封宣義郎劉弢墓 許景衡撰墓誌葬於仙桂鄉余奧山

之原

封英惠侯盧璿墓 盧氏宗譜在宋奧 傳詳錫盧掾墓國朝詩

山北盧掾墓溝棘叢枯株朽骨久無主野人競覆糊幽臺耀白日苔錢碧模糊瑩石日以泐況復髮與顛披榛上廢道故物餘瓦礫中夜鬼車泣夕照嗥妖狐寒雲蔽層岡埜色慘平蕪瞻眺重歎息清淚盈衣裾萬化皆有徒嗟吁

封英烈侯包汝諧墓 康熙府志在宋奧 傳詳忠臣

孝子仰忻墓 萬厓府志在松臺甸洋 傳詳孝友

鄉薦劉安禮墓 劉安上撰墓銘葬於仙桂鄉方潭院之

西儒傳附林

給諫劉安上墓 薛嘉言撰行狀葬於建牙鄉玉清觀後

山儒傳詳林

起居舍人薛徽言墓 薛嘉言撰行狀葬於郡城西太平

山之原傳詳名臣

太宗正丞劉讜墓 林季仲撰墓誌葬建牙鄉玉清觀之

前山距給事墓百步

舉八行方煜并妻朱夫人墓 林季仲撰墓誌穿朱氏之

墓而合葬之實在其縣竹浦之北山傳詳隱逸

和州助教朱京墓 林季仲撰墓誌葬於建牙鄉茭洋之

永嘉縣志

卷二十一

古蹟冢墓

六十五

西山傳詳孝友

周達節墓 林季仲撰墓誌葬吹臺鄉俞奧山祖塋之東

知廣州敷文閣待制忠簡公薛弼墓 葉適撰墓誌葬太

平山傳詳宦績

封右奉議郎陳豫并妻潘安人墓 張九成撰墓銘葬於

吹臺鄉干嶼之原

宗室忠翊公趙定之墓 萬厯府志在丁么俗稱趙王墳

龍圖閣學士左通奉大夫贈少師忠簡公張闡墓 周必

大撰神道碑葬建牙鄉瞿溪之原中奉公墓側傳詳名臣周

天錫張忠簡闡墓詩絕嶺環幽宅霜林覆古阡饗堂迷
夜雨石馬咽秋煙忠簡香名遠亭臺夕照懸穹碑文字

滅摩認
意茫然

處士陳敦化墓

薛季宣撰行狀葬公於郡西岑之原

傳詳

友孝

吏部尚書吳表臣墓

萬厯府志在十二都南柳

傳詳
名臣

監察御史婁寅亮墓

萬厯府志在十一都正奧

傳詳
名臣

提刑何逢原墓

王十朋撰墓誌葬於吹臺鄉西山瑞鹿

院之右

傳詳
宦績

知常州文憲公薛季宣墓

呂祖謙撰墓誌葬於吹臺鄉

慈湖之原

傳詳
儒林

孫叔特妻趙夫人墓

陳傅良撰墓誌葬於建牙鄉鵬飛

永嘉縣志

卷二十一

古蹟
冢墓

六十六

里西華山之原

長樂主簿諸葛說墓

陳傅良撰行狀葬於黃嶼山

傳詳
儒林

禮部員外陳鵬飛墓

葉適撰墓誌歸葬於甌浦之原

傳詳

儒林

監湖州酒庫胡序并妻薛夫人墓

陳傅良撰胡序墓誌

葬於吹臺鄉梅嶼山先兆之側

葉適撰薛夫人墓誌

祔於少賓之墓

傳附
名臣

司理馮施叔墓

陳傅良撰墓誌葬於建牙鄉桐嶺之下

處士張涇墓

陳傅良撰墓誌祔葬於吹臺鄉桐嶼黃夫

人之兆

傳詳
儒林

處士包昂墓 葉適撰墓記葬塘下原

朱興國并妻陳氏墓 陳傅良撰塘誌葬於所居里西山

之麓且葬陳氏

陳說墓 陳傅良撰壙誌葬於所居里潘塔山之麓

漳浦主簿周鼎臣墓 葉適撰墓誌葬建牙鄉渚浦
傳詳續

長樂主簿徐槐墓 陳傅良撰壙誌得某鄉慈雲院之後

山以葬

從事郎戴厚并妻張夫人墓 樓鑰撰誌銘殯於德政鄉

湖嶼之原夫人合葬焉 傳詳文苑

敷文閣待制諡文肅鄭伯熊墓 在四十二都東村證覺

永嘉縣志 古蹟冢墓
卷二十一 六十七

寺後 傳詳儒林

秀州判官鄭伯英墓 葉適撰墓誌葬西山余家奧原上

傳附儒林

高子莫妻翁安人墓 葉適撰墓誌葬護國寺山

承事郎潘朝卿并妻何夫人墓 陳傅良撰墓誌合葬所

居鄉橫塘何夫人之墓

知潮州晉江徐定墓 葉適撰墓誌葬公孝義鄉何奧村

傳詳寓賢

隆興教授陳季雅墓 葉適撰墓誌葬君於吹臺鄉白泉

山師姑井 傳詳文苑

宋傅五世祖郡都曹墓

葉適撰宋傅墓誌葬瑞鹿寺山

參議朝奉大夫宋傅墓

葉適撰墓誌葬西山法果寺山

傳附
文苑

德化令沈希尹并子昌墓

陳傅良沈叔阜壙誌葬建牙

鄉丁么村淨名院山之側實德化墓下云

朝議大夫知處州蔣行簡墓

葉適撰墓誌葬膺符鄉瞿

嶼乾山

傳詳
宦績

承議郎謝雱并妻萬孺人墓

樓鑰撰墓誌合葬於西山

廣惠院先塋之後山

傳詳
文苑

知平陽縣青田陳葵墓

葉適撰墓誌葬永嘉縣三洲臺

永嘉縣志

卷二十一

古蹟
冢墓

六十八

民國二十四年補刻

湖山

知復州張仲梓并妻周宜人墓

樓鑰撰墓誌合葬於吹

臺鄉西山法濟院之右

傳詳
介節

鎮守陳琥墓 康熙志在二十七都

知永州高子莫墓

葉適撰墓誌葬於永嘉官莊

封吏部侍郎葉光祖墓

葉適撰壙誌葬建牙鄉無相院

山之右 康熙志在宋奧

中散大夫開國永嘉縣男張季樗墓

葉適撰行狀葬瑞

鹿西岡

傳詳
宦績

通判郴州樂清翁忱墓

葉適撰墓誌葬永嘉縣秀峯山

祔其先人焉

朝散大夫主管冲佑觀鮑瀟墓 葉適撰墓誌葬於父朝

散墓東壬山 傳詳宦績

處士徐照墓 葉適撰墓誌在塔山林額兩村間 傳詳文苑

葉文定公夫人高令人墓 葉適撰墓誌葬開元觀後山

顯謨閣待制永嘉伯平陽陳峴并妻許碩人墓 真德秀

撰墓誌葬護國寺甸洋山妣碩人許氏之墓左

處士李伯鈞并子源墓 在獅巖葉適撰墓誌改葬仲舉

於先墓後而深之從焉 傳詳隱逸案深之源字

中奉大夫太常少卿直秘閣薛紹墓 葉適撰墓誌葬清

永嘉縣志

卷二十一

古蹟冢墓

六十九

民國二十四年補刻

涼山 傳詳仕績案清涼山郡志無考

鮑瀟妻劉夫人墓 葉適撰墓誌葬仙桂鄉安豐奧

迪功郎朱偉并妻解氏墓 南外宗教朱通并妻余氏墓

監潘葑庫朱弼并妻林氏墓 均在呂公山朱氏祖塋

之側 見金石

進士樂清史大亨墓 康熙志在陳奧

長泰令徐璣墓 葉適撰墓誌葬建牙鄉郭溪 傳詳文苑

處士陳煜墓 葉適撰墓誌葬於孝義鄉吳平山

薛師山墓 葉適題墓葬地曰丁亥橫山

朝請大夫提舉江州太平興國宮陳謙墓 葉適撰墓誌

葬建牙鄉鵬飛里

傳詳
宦績

朝議大夫秘書少監王杵墓

葉適撰墓誌葬於亭山西

原

傳詳
宦績

兵部尚書瑞安文懿公蔡幼學墓

葉適撰墓誌葬吹臺

鄉洋奧山

端明殿學士文端公戴溪墓

在建牙鄉萬年寺左

傳詳
儒林

國朝周天錫詩萬年寺左尚書墓六百餘年付劫灰
落日殘雲兩翁仲零磚斷礎幾亭臺山空風雨苔痕長

野曠牛羊笛吹哀不用登臨
悲往事夕陽彌望盡蒿萊

墓林處士何傅墓

葉適撰誌銘葬於西山崇明寺旁

傳詳

隱逸

永嘉縣志

卷二十一

古蹟 冢墓

七十

寶文閣學士文定公葉適墓

萬厯府志在城內慈山

傳詳

名臣

兵部尚書文節公薛叔似墓

萬厯府志在稽斯山

傳詳
名臣

宏詞科李仲意墓

萬厯府志在五十一都蒼坡

按舊志
作駙馬

宋史
無考

知弋陽縣蔣叔輿并妻劉孺人墓

戴栩撰墓誌合葬於

瞿嶼亥山

傳詳
宦績

處州通判戴若冰并妻劉夫人墓

戴栩撰墓誌葬建牙

鄉渚浦之東兆夫人劉氏葢同祔焉

傳詳
宦績

潛山先生婁鑄墓

戴栩撰墓誌葬建牙鄉西華山

傳詳
文苑

洗馬陳龜年墓 在雲霞奧 傳 績 詳

戴栩妻墓 戴栩浣川集送先室歸葬西山 詩曰結束遙

頭送爾一露衣五年客殯依禪寂千里香魂與夢歸閨

美欲書碑易盡龍村新鬪草應稀西山便想西湖是雲

戴栩子佛夫墓 戴栩撰壙誌葬德政鄉頭陀村和迦隴

處士薛師石墓 王綽撰墓誌葬於吹臺鄉橫嶼之陽 傳 詳

苑 文

朝請大夫直煥章閣主管冲佑觀永嘉開國男少卿戴楠

墓 在臨江菰州夏奧山之原 傳 詳

知南雄許經并妻張碩人墓 劉克莊撰碩人墓誌附於

永嘉縣志 卷二十一 古蹟 冢墓 七十一

建牙鄉昭奧原使君之阡

孝子陳宗墓 陳旅撰墓記郡守陸德輿為擇美地集雲

門外并其母葬之表曰陳孝子墓明嘉靖七年守丁瓚

重修為門垣以護之 國朝乾隆間知府莊柱輝色俱

重修 傳 詳

潛室先生陳埴墓 在宋奧 傳 詳

提刑王致遠墓 萬麻府志在慈湖南村 傳 附 績

刑部侍郎文忠公周端朝墓 萬麻府志在渚浦君子峯

傳 詳

司徒陳鉉墓 萬麻府志在紫芝山 按宋無司徒官 姑仍舊志俟考

右丞葉文德墓 萬厯府志在十五都桐奧

處士包定墓 在象浦 傳詳 儒林

閤門舍人張鉉墓 萬厯府志在西山 傳附 宦績

丞相陳宜中祖墓 康熙府志在西山虎跑寺 按萬厯府志作宜中

墓考劉廣陳氏世德碑云虎跑陳氏墳刹所在自中父亦葬先塋之側宜中卒於暹不言歸葬為其祖墓無疑

樞密院都承旨王勝墓 康熙府志在平嶼

郡馬包文翁墓 康熙府志在十九都塘下

太守葉輝墓 康熙志在宋奧

教授葉志甫墓 康熙志在宋奧

教授葉宣墓 康熙志在宋奧

永嘉縣志 卷二十一 古蹟 冢墓 七十二

知潮州葉忠正墓 萬厯府志在紫芝山

進士樂清史戊炳墓 康熙志在陳奧

右文殿脩撰王益大并妻林宜人墓 王漢老撰壙誌葬

於甌浦先塋之左以林氏祔焉 傳詳 介節

宣教郎主管禮兵部架閣文字林璫墓 柳貫撰墓碑自

初喪葬匱於建牙鄉郭溪黃岡柳州墓下今卜得襲吉

將遷窆於膺符鄉沈奧之原 傳詳 介節

元

太學博士汪大有并妻包氏墓 在四十一都東漿奧

處士李永孫墓 李厚撰壙誌葬於邑之西廬山

處士李燾墓 李默撰墓誌葬於里日溪障隴之原默之

長子怡從葬焉

承直郎樂清縣尹王與墓 李孝光撰行狀葬建牙鄉馬

嶼之原 傳附介節

累贈奉訓大夫追封樂清縣男林邦福墓 宋濂撰墓銘

墓在建牙鄉先塋之側 傳詳宦績

中順大夫秘書監丞陳麟墓 戴良撰墓誌下葬赤塘原

先塋之次 傳詳宦績

明

處士金宗儒并妻林氏墓 張升撰墓誌金琦葬其母林

永嘉縣志

卷二十一

古蹟冢墓

七十二

氏於塔山原與父處士合窆

翰林庶吉士張文選墓 黃淮撰墓誌窆於吹臺鄉桐嶺

金山之原 傳詳儒林

本縣訓導王齋墓 康熙府志在馬嶼傳詳儒林

處士劉介并妻項安人墓 周旋撰銘葬臨江鄉玉沙山

蒼之原安人項氏合處士之窆而葬焉

封榮祿大夫少保戶部尚書兼武英殿大學士賜祭葬黃

性并妻王夫人墓 楊士奇撰墓誌公與夫人合葬邑

大羅山之原 傳詳義行

山西行太僕寺少卿陳敏墓 黃淮撰墓碑安厝於所居

里菱塘山之原

傳詳
宦績

葉母鮑安人墓

黃淮撰墓誌銘葬於建牙鄉渚浦祖隴之

側

教授金祺墓

黃淮撰墓誌葬於吹臺鄉俞奧先塋之側

傳詳
文苑

延平府推官趙順祖墓

黃淮撰墓誌窆於吹臺鄉雲霞

奧祖塋之側

傳詳
宦績

處士李福墓

黃淮撰墓誌葬於吹臺鄉盧灣從先兆也

傳詳
義行

處士陳進安墓

黃淮撰墓誌葬於所居里建牙鄉黃山

永嘉縣志

卷二十一

古蹟
冢墓

七十四

先兆之次

傳附
義行

處士鄭文彬墓

在橫塘之右皎嶼之前原

傳詳
孝友

處士項士武徵士項士斌兄弟合葬墓

黃淮撰墓誌先

是處士規營樂工於大羅山祖塋之側徵士營壽藏聯

窆而同兆至是惟濂惟洵等奉柩合葬徵士繼室孫氏

亦以序而祔葬焉

傳詳
義行

處士陳銓墓

黃淮撰墓誌葬於吹臺鄉慈湖南山祖隴

之旁

傳詳
義行

處士吳亨墓

黃淮撰墓誌窆於德政鄉南柳山從先兆

也

傳詳
義行

處士章宸浩并妻劉氏墓 黃淮撰墓誌其兆在建牙鄉

溪西之原

陳庾妻節義汪安人墓 黃淮撰墓誌葬於所居里之井

町山

信宜知縣林文定墓 黃淮撰墓誌葬於邑之建牙鄉丁

么橫山之原 傳詳宦績

翰林編修林補墓 黃淮撰墓誌葬於邑之吹臺鄉雲霞

奧祔先塋也 傳詳儒林

福州訓導劉邦彥并妻金孺人墓 周旋劉先生行狀歸

葬於玉沙祖塋之側

永嘉縣志

卷二十一

古蹟 冢墓

七十五

少保戶部尚書兼武英殿大學士賜祭葬文簡公黃淮墓

陳敬宗撰墓誌窆於邑之德政鄉大羅山之原從先

兆也 傳詳名臣

參政鄭柱墓 萬麻府志在慈湖 傳詳介節

左庶子周旋墓 萬麻府志在慈湖 傳詳宦績

處士汪珂并妻朱氏子汪芮并妻邵氏汪昇并妻朱氏墓

在李奧 詳見金石

江陰知縣李本墓 謝暹撰墓誌霞山先塋之側 詳見金石

處士趙鋌墓 在建牙鄉梅嶼

僉事黃福生墓 康熙志在二十都風門

敕葬少卿瑞安姜立綱墓 萬麻府志在十三都竹奧

壽州判官柯賓墓 李階撰墓誌在蔣奧金家塘之原

贈禮部尚書勅葬文定公王瓚墓 萬麻府志在五都黃

奧 傳詳名臣

汪節婦陳氏墓 楊廷和撰墓誌安厝於本里西奧之原

合先君子之兆也

處士項耆壽墓 項喬撰壙誌葬於舊壠雨金原 傳詳義行

正九品樂清方默墓 侯一元撰墓誌葬積穀山

廣東按察司僉事中順大夫李階墓 王激撰墓誌葬於

姚溪祖壠 萬麻府志在五都龍潭山 傳詳義行

永嘉縣志 卷二十一 古蹟 冢墓 七十六 民國二十四年補刻

封通政司通政賜祭葬王鉦并妻張恭人墓 王慎中撰

墓誌卜吉於先域半山之原與恭人張氏合葬焉 傳詳義行

江西左布政使樂清侯一元墓 王世貞撰墓表表其郭

溪後堂山之墓石 茅坤撰墓誌葬之三台峯之麓 傳詳寓賢

鶴山先生項縱墓 項喬撰壙誌葬於祖隴黃奧

項喬母婁太宜人墓 項喬撰壙誌下葬慈湖北村之山

麓

贈少師張轉寶墓 萬麻府志在黃奧山

華蓋殿大學士贈太師敕葬文忠公張孚敬墓 萬麻府

志在黃奧 傳詳名臣

張文忠公妻勅葬一品蔡夫人潘夫人墓 萬麻府志在

杜奧

中書張遜志墓 萬麻府志在杜奧 傳詳

太僕丞張遜業墓 萬麻府志在杜奧 傳詳

中書張遜膚墓 萬麻府志在杜奧

義堂處士朱遜并妻陳氏子幽獨道人朱樞并妻林氏墓

在西竹園之山陽 詳見金石

鳳陽知縣朱腆墓 王健撰墓碑 歸葬右廟杏山原 傳詳

僉事李瑾墓 康熙府志在慈湖

工部主事陳定之墓 在十三都二里白塔大奧山

永嘉縣志 卷二十一 古蹟 冢墓 七十七 民國二十四年補刻

處士林蒙并妻朱安人墓 王叔果撰墓誌 合窆於華嚴

山祖隴 傳詳 隱逸

林德芳祖母陳安人墓 項喬撰壙誌 葬於丁腰之原

義官邵曉墓 項喬撰墓誌 葬吹臺桐嶼之陽 傳詳 義行

指揮初嵩墓 浙江陵寢防護錄 在來福門外集雲寺西

首 傳詳 忠義

廣東按察司僉事贈太僕少卿王德墓 萬麻府志在二

都上朱洋 傳詳 忠義

秀才方道言并妻嚴孺人墓 李維楨撰墓表 葬於建牙

鄉丁么村五峯之原

廣東參政項喬墓 萬麻府志在二十一都竹浦 傳詳名臣

上海訓導王應辰墓 王叔果撰墓誌附於郭溪祖隴 傳詳

苑文

參議王澈墓 萬麻府志在五都茅竹奧 傳詳

祭酒王激墓 萬麻府志在十九都茭陽 傳詳

廣東按察副使葉式墓 萬麻府志在慈湖 傳詳

翰林侍書葉幼學墓 康熙志在五都丁家奧

吳興范烈婦墓 王叔果擇地瘞之在白塔山 傳詳列女 王叔果

題墓石詩吳門范貞婦從夫逐戎行有生何不幸備此
茶毒嘗鸞鳳侶梟獍麟虞比豹狼欲全志操潔密顧肢
體傷吁嗟柔婉質居然百鍊銅清風激汚俗浩氣凌穹
蒼埋玉依淨土游魂返故鄉一抔表幽烈千古揚休光

永嘉縣志

卷二十一

古蹟 冢墓

七十八

南康知府張純墓 萬麻府志在十六都馬嶼 傳詳

鴻臚序班張郇墓 侯一元撰墓誌窆於拜亭山之原

禮部儒士張廷用并妻曹孺人墓 侯一元撰墓誌葬郭

溪

光祿寺少卿王健墓 萬麻府志在五都黃奧 傳詳

贈大理寺左評事張景恕墓 在十四都東奧

贈雲南道監察御史孫滄墓 在十四都新橋塔下

御史孫昭墓 萬麻府志在十九都岷岡 傳詳

都察院右僉都御史王諍墓 萬麻府志在五都丁家奧

傳詳
宦績

廣東按察副使王叔果墓

萬厯府志在十一都石壇

傳詳

儒林

福建布政使司右參政王叔杲墓

李維楨撰墓誌葬於

暘湖所自卜也

傳詳 宦績

衡府長史王光蘊墓

康熙府志在後嶼

傳詳 介節

王光蘊妻林孺人墓

李維楨撰墓誌卜葬膺符鄉半山

從通政公之左隴

長史葉世德墓

萬厯府志在郭溪

傳詳 宦績

兵科給事中王良心墓

萬厯府志在黃奧

傳詳 宦績

處士張聯芳墓

何白撰墓誌葬於祖壠馬嶼之原

永嘉縣志

卷二十一

古蹟 冢墓

七十九

四川按察使王繼明墓

康熙府志在黃奧

傳詳 宦績

僉事葉承遇墓

萬厯府志在石壇

傳詳 宦績

衡州府知府何懋官墓

康熙府志在十六都陳奧

封參政周尙文墓

鄒維璉撰墓誌厝於九峯山之原

傳詳

義行

右副都御史周應期墓

浙江通志在瞿溪西奧

傳詳 宦績

舉人樂清何永年墓

何白撰墓誌葬瞿溪陳半山之原

秀才樂清李象乾墓

李象坤撰壙誌乃卜阡郡西岑甌

浦之陰窆焉

樂瀆 象坤 張 人

季象坤撰壙誌窆於郡西岑

甌浦

贈戶科給事中陳應麟墓 乾隆府志 在半嶺

陝西參議陳堯言墓 康熙府志 在上戍 傳名臣詳

按察副使項維聰墓 在郭溪 傳績詳

知府樂清侯傅邦墓 乾隆府志 在護國寺側

布政劉康祉墓 康熙府志 在岷岡 傳績詳

封僉都御史樂清李思鎮墓 康熙府志 在郭溪

封布政王杰墓 康熙府志 在二都半山

布政使王維夔墓 浙江通志 在二都金墩 傳績詳

處士樂清何白墓 在瞿溪金巖 傳績詳
錫金巖何丹霞墓周先天

永嘉縣志

卷二十一

古蹟 冢墓

八十

生不可作風雅誰與論前劣金巖峯鬱鬱文章魂繁露
隨瑩石薄靄掩孤墳去時柏與松翦伐已不存遺編自

千古憑吊空高原臨風
頻悵望野燒火漫漫

鳳陽知府張中蘊墓 康熙府志 在宋奧 傳績詳

知府樂清侯應賓墓 乾隆府志 在郭溪

安州知州周一奎墓 在郭溪 傳績詳

右副都御史張天麟墓 康熙府志 在夾嶼 傳績詳

工部主事邵建策墓 康熙府志 在郭溪

太僕少卿王瑞栴墓 在茶山 傳績詳

鴻臚寺丞王乘墓 康熙府志 在甌浦

兵部主事陳大奎墓 乾隆府志 在下嵩

都督陳璠墓 萬厯府志在暘奧

知縣周文應墓 康熙志在宋奧

武畧將軍胡公墓 佚名在丁么

禮部尚書崑山顧錫疇墓 乾隆府志在江心孤嶼舊有

碑記 傳詳寓賢按崑山志錫疇墓在吳縣十九都陸家塢則公櫬確已歸葬孤嶼之墓或當日士大夫得

公尸暫厝於此亦未可知今碑已無存附識佚攷

國朝 附

秀才王家琦并妻李孺人墓 李象坤撰壙誌奉厝於丁

么之原 傳詳隱逸

禮部主事王錫瑄墓 乾隆府志在宋奧 傳詳孝友

永嘉縣志 卷二十一 古蹟冢墓 八十一

陽武知縣謝包京墓 乾隆府志在宋奧 傳詳義行

張烈婦青松塚 在西山 傳詳列女未終邵仲陟贊冤矣張

兇二兇者何鮑玉雲龍潛窺艾姿隨肆兇鋒白日忍匿黃泉路窮婦曰死耳空愛厥躬雉經不獲風雨曷從忍此須臾顛彼蒼穹惟明克允乃遇嵇公手定大案一判如蒿片言折獄神鑒律通夫冤可雪婦義可風殺人者

死請視狂童

杞縣知縣謝天埴墓 乾隆府志在宋奧 傳詳宦績

懷柔知縣林元桂墓 乾隆府志在下仙白巖 傳詳文苑

內閣中書樂清楊森秀墓 乾隆府志在十四都雲霞奧

會同知縣洪勛墓 乾隆府志在十七都平山 傳詳文苑

贈文林郎陳遴墓 乾隆府志在宋奧 傳詳義行

南陽知縣陳王綬墓

乾隆府志在彭奧

傳詳宦績

教諭陳王組墓

乾隆府志在上戍

海康知縣張元彪墓

乾隆府志在杜奧溪

傳詳宦績

知縣李國選墓

乾隆府志在杜奧溪

封君周家雄墓

乾隆府志在十七都華亭

周聲焞墓

乾隆府志在杜奧溪

舊作司馬周聲焞未詳何官

白水知縣謝立墓

乾隆府志在丁么

溫標中營遊擊崔三孝墓

在上鄉十四都雲霞奧

三孝陝西

三原縣人初擢江西昌平守備洵歷都司康熙元年調溫標陞遊擊護總兵遂占籍焉已下新纂

溫州通判鄧涵清墓

葬雪山寺後

永嘉縣志

卷二十一

古蹟冢墓

八十二

贈武翼都尉鄧文齋并妻婁淑人墓

葬雪山寺後

贈武翼都尉鄧輝祖并妻郭淑人墓

葬雪山寺後

壽春遊擊鄧飛鵬并妻胡淑人妾張孺人墓

賈聲槐撰

墓誌合葬於雪山舊塋之側

傳詳宦績

舉人繆澧英并妻陳孺人墓

賈聲槐撰墓誌以君合葬

於陳孺人壙在梅嶼東山頭之原

欽賜七品頂戴百八壽翁郭嘉士墓

吳鳳藻撰墓誌葬

於丁么之橫山

武舉張兆元墓

在慈湖南村

封員增貢生張敬墓

在慈湖南村

封朝議大夫武舉張錦墓 在慈湖南村

進士山西平原縣知縣鄭汝楫墓 在雄溪中奧 傳 詳 宦 績

湖南糧儲道張瑞溥墓 在十六都河莊 傳 詳 宦 績

四川敘永同知張瑞瀚墓 在慈湖南村

河南涉縣知縣張瑞澐墓 在十五都梅嶼

庠生周學潛墓 在西鄉陳汝埰題其墓石曰永嘉詩人

周奕園墓

鎮海教諭張 振 夔 墓 在十二都洪崖山之陽 傳 詳 文 苑

江蘇江浦縣知縣潘宗耀及弟宗瀾墓 在上鄉集雲廂

五里寺后山 傳 詳 文 苑

永嘉縣志

卷二十一

古蹟 冢墓

八十三

民國二十四年補刻

山西朔州知州潘堦墓 在十七都岷岡

廣東普寧縣知縣兼署揭陽等縣潘銘憲墓 在十九都

水閘頭珠山 傳 詳 宦 績

